

兩

浙

輜

軒

錄

兩浙輶軒錄卷十五

錢以璲 王錫 項溶 章撫功 朱昆田

溫棻忱 陳尙古 沈季友 姜宸英 陳至言

魏坤 朱樟 楊守知 陸師 錢兆沆

湯右曾 翁嵩年 龔翔麟 查昇 范光陽

鄭梁 許用 查慎行 劉正誼 陳芝圖

馮遵京 馮武京 褚彤 吳樞 戴彥鎔

戴煥 吳曾 鄭典 馮千英 錢以煥

沈朝英 沈英 沈時 沈樹萱 蔣鳴梧

兩浙輶軒錄卷十

督學使者阮元訂

錢以塏

字問行一字蒧山嘉善人康熙戊辰進士由茂名知州行取給事中累官太子少保禮

部尚書諡恭恪著研雲堂詩

隰州雜詩

河東郡之西迢遞三百里思深哉遺民俗猶伊祁氏晉主中
夏盟此地屬西鄙勢實蒲翟偏土非絳沃比連延坡色黃逕
迤川流紫險不通舟車樸鮮習工技陶復陶穴間古風良可
喜但勿爲繭絲度幾結繩理

人丁分上下有丁苦無田算緡但計口不問陌與阡當其催
科時悉索最可憐土窰一破甑棄之遠播遷人去丁不去籍
在焉得蠲鄰里代之輸展轉相株連及其歲已久他鄉長曾
元忽聞蹤跡存重趼斂丁錢我欲除此困稅額防虛懸繪圖

效鄭俠憫此焚獨先

高唐山之側古縣自唐建碧甃靈液潤于今不復見元乃割
其地分隸州與縣是爲南溫泉適當山一面其俗稍夸詐蠻
觸爭最健每因乾餠愆輒修睚眦怨朝縣暮復州狡兔作窟
便鞭長苦不及所以訟滋蔓忠信自可格耳目慎勿眩泮林
懷好音薄俗覲一變

民居似蜂房穿壁爲營窟其外低作垣遙見窗戶列老翁負
薪歸嶮巖行蹶躓少婦遠汲水深澗瓦罍挈山坡牧牛羊小
心視飲齕晨驅驢轉磨晚呼雞棲桀卽此誇富饒其餘盡藏
缺豐年穀價賤人仍飽糠粃春韭與秋瓜客至乃特設風景
總蕭條可知民力竭亟宜噢咻之任謂陽城拙

虎門泛海

平明舟發虎頭門大虎小虎海上蹲扶桑照耀天將曙海底
湧出黃金盆我舟蕩漾隨所適耳邊澎湃轟雷奔溟濛四望
端倪絕洪濤雪浪掀天渾極島依稀出水面如萍著水疑無
根樓船巨艦等一葉參差隱見隨潮翻蓬萊三山若可卽瑤
臺玉闕眞仙存微身縹緲輕蟬翼暮遊元圃朝崑崙須臾頭
上片雲黑煙低雨暗目欲昏霧氣黯慘忽異色龍蟠蛟舞鯨
魚吞舟子鼓櫂疾若駛去去只愁鐵颶起噫嘻丈夫破浪乘
長風羊角扶搖看鵬徙江湖何處不風波只有我心如止水

王

錫字百朋仁和諸生著嘯竹堂集

國

朝詩別裁作者古今體詩俱多家數卽入西陵諸子中亦爲上駟而名不出里巷子往來浙西歷訪時人無道

及百朋姓氏者偶於仁和柴侍御案頭得之錄入

卷中因知名家而渾淪者正有其人也爲之撫然

隨園詩話吾鄉王百朋先生過李白廟云氣吞高

力士眼識郭汾陽只此十字可以概太白生平

朱彭曰百朋詩格純正頗近唐人昔為毛西河太史所
 賞又有集句詩竹垞謂天造地設自然渾成生平寡交
 遊又後數十年遠無人言及之今搜得
 歸思所選外詩數十首庶鮮遺美焉
 終有遇不須彈缺嘆無家雲迷古戍三秋雁雪壓寒城
 十月花讀稗畦集云烏鳥痛深寒雨夜脊令音斷白雲
 天關山暗灑思鄉淚花月都成恨別天江上云中涼夜
 月潮干里隔岸人煙樹萬家細雨賈帆迷柳影輕風漁
 笛出蘆花冬夜漫興云昆弟無謀蘇酌轍妻孥有淚濕
 牛衣雪穿茅屋茶煙斷風入柴門竹影稀除久懷從叔
 云風雪一年隨盡夜雲山萬里未歸人白頭轉壓梅花
 發青眼除逢柳葉新皆傑句也

題朱氏山莊

纔過合澗橋便到雲林寺泉石奇以秀疑非人間地不知萬
 木中亭榭更幽邃溪聲隔竹喧松色當樓翠鶴識嶺雲歸僧
 將蘿月至嗒然吾喪吾安問形與器

訪友不值

着屐訪高士頻來桑竹林路行春水斷門閉落花深犬吠疎
籬曲鶯啼碧樹陰歸途又風雨獨酌寫幽襟

冷泉亭

小憩空亭戀翠微上方日暮客過稀春秋閱盡水長冷風雨
到來山欲飛嶺半樹高猿每挂林間雲暝鶴知歸炎天坐久
寒生骨思向僧家借衲衣

項

溶

字霜田
錢塘人

朱彭曰霜田為少司馬眉山次子壯遊南北公卿拭目
朱竹垞太史評其詩恢奇雄鷺歌行壓倒一時五七律
軼大歷元和而上之查田舉杜永雪雷霆之語以為評
非虛譽也傳中云雷田偶蹇數奇遇保舉時見棄於當
途為白燕詩四首以寄意窮且老矣舟行平江遇盜未
攜書箱詩文棄悉被盜棄諸水歸後欲自收拾逸槩未
幾病卒乾隆乙丑先生季子遷訪得二帙
名起業堂遺藁刊以行世故所存無多

長安踏燈詞

帝里歡娛夜不眠月痕漸滿試燈天青驄馬上緇塵客不踏
銅街十二年

陳平谷凝園月夜招飲

凝園園裏花滿煙嬌枝嫩蕊爭後先東風吹簾撲飛絮流鶯
聲中春欲去主人惜春挽不畱開筵秉燭消羈愁團圓玉盤
海上來摩尼珠墮玻璃盃狂花點點夜悄悄銀漢光低天未
曉馬蹄露濕人還家打門驚起雙棲鴉

青駝寺

得得蹄聲急前林燈火微山川非故國塵土上征衣見月人
投店聞言犬出扉昔年曾此宿殘墨尙依稀

早起途中望罄陽

一光窗前月何時上粉牆疎鐘促行李殘夢著衣裳道里程

逾半風塵日漸長遙峰青突兀望裏指潞陽

新莊

雲陰不作雨嵐氣尙微茫蕎麥野田秀棗花村樹香笠歡迎
日淡衣薄受風涼茅店剛中飯鄰雞叫短牆

章撫功

字仁黼錢唐貢生著清嘯堂集

朱彭曰柴肖軒稱仁黼天才駿發貫穿六籍折衷百代與弟綺堂齊名萬九沙曰仁黼與兄服伯弟崇積繼洪上先生文章極盛之後而伯叔皆能建輪拔戟自爲一隊以雄于藝苑斯亦奇矣後辭世十有五年其子桐源刻其清嘯堂集詩始行於世

吳山望雨從隔江來

吳山越山幾山別一山雲暗一山白隔江雨脚來空虛接天
波浪翻江黑雷聲隱隱光如射雨在高峰不得下窟宅蛟龍
起怒濤挾水迴身向天瀉登臨未及高山巔斜風吹雨過眼

前拂衣大笑下山去白鷺背人飛遠天

蜘蛛

雖負經綸志曾無尺寸功游絲縈野馬羅織到飛蟲露綴珠
光白風搖花片紅傳聞多巧思七夕上簾櫳

朱昆田

字文盡號西陵秀水監生

張雲章笛漁小橐序畧曰文益之才清雄絕麗趣庭之
暇畧能盡通其家學以其餘技發而為詩其小者固已
精緻雋潔大者磊落排莽世之讀之者不以爲入玉露
焚川之室則以爲登昌黎角山之堂矣獨怪文益年未
五十竟以窮死豈天之生
若人豐其才而塞其遇耶
梅里詩輯檢討藏書八萬卷秘籍爲多西陵龍讀
之時稱小朱十其詩取村富有而才力足以副之

菽乳和楊芝田先生

淮南王食經八公九師撰惜哉其書亡饌法不可見偶然著
遺術噉菽物至賤叟叟非華淘齒齒石磨旋否同杏子粥細

比葛花麪若酪蹴乳房若芻撇缸面若蔗漿初榨若餠黍暴
煎淋漓而長杓滓汁濾生絹未明雞三號乍啓門一扇篝燈
挂屋壁灑釜燃蒿臥須臾魚眼沸以箴攪百遍圓紋縐冰穀
斷楷揭霜練或以山礬收或以鹽滷澱苦辛澀酸鹹方法從
所便拉殼吳地能泡漿杭俗擅我鄉近瘠貧鬻者滿村堰魚
標酒罌間水車幅片片禾中村民鬻腐者以車幅標於林表移舟就客航壓擔
八僧院綠葵紫牙蕈清齋每同薦有時配紅鰕食之已饒噍
乾將酒糟漬敗候梅黠變其味益以佳往往走異縣都人慣
食肉羊豕日刳剝是物纔入市塵沙糝如霰以此仕宦家棄
不錄厨傳編修在金門索米類曼倩不因官獨冷止酒罷談
讌菽乳造法殊其訣本陽羨黃豆來西沽紫磴徙南淀浸以
一斗泉漉用五尺帑流匙訝香滑舉坐盡誇銜脂麻與罌粟

瑣細費撇漩未若此易成指顧具鄉饌我本茹蠶人羶葦非
 所戀春去秋復來飛光等劈箭無心趁杯觴久欲焚筆硯有
 客誦新詩令我聽忘勸壓倒孫滄螺濟濟衆才彥作者各擅
 場後來豈能先過門思大嚼舍鐵但白戰

海棠半開小雨初過釀飲花下醉賦二十韻

西園經旬罷扇鑰海棠已吐燕支萼綠房亂點沙斑斑檀口
乍施朱薄薄玉環中酒自嬾媚飛燕臨風原綽約紅珠斗帳
睡未足午夢方回旋掠削絳紗衫子輕若霧半掩玉肌通體
弱花雖無言殊有意似伴詩人春寂寞盡又各下青銅鏡樹
底結巢來酺醪豈知天公收人興每遇花開風雨作漠漠初
昏楊柳枝霏霏漸灑秋千索趁香閣下蝶翅重濕嘴梁間燕
泥落飛牋乞放十日晴天公憐我一笑諾麴塵壓住捲風幔

雲葉掃空露晴嶠垂垂絲軟色欲滴剪剪風輕態逾蕤丹青
豈能傳畫手愛惜且教張錦幕半開長是近寒食上頓還須
傾大杓湖魚一尾細柳貫乳酒幾餅青篴絡茶苓蜜荔快初
嘗燕菌雞羹還小嚼興酣日落客未散促席分曹相獻酢對
花不飲豈得計無異黃金鑄大錯須臾圓月生天東更洗花
瓷夜深酌

登石鐘山

兩脚一月不踏地好山過眼青嶰嶰如飢見食不得食涎流
口角心徒饒蓬窗終日但兀坐憂來意氣真同獠用皮襲四美語
更起碇拽檣索快風飽送雙高帆篙工柁師互歌哭蒼鷹脫
鞵馬脫銜算程頃刻已百里遙望洞口波黯黯石鐘山忽落
吾手先登不用僮扶攬大石眈眈踞猛虎小石帖帖眠神臧

縈紆一徑盡犖确但有枳棘圍枯櫬女牆攔山去八九止而
一筮高巉崑郭中人家占佳處往往屋後多松杉茲山得名
在音響何必更論壑與巖邇來世人好箏笛一聆古奏翻譏
讒后夔伶倫不復作有耳焉得聞韶咸急呼小艇欵山脚訝
若鬼刻神雕劊噌吰鞞亦何有昔賢毋乃欺愚凡不知我
來值冬仲雨雪早已飛廉靈江水落槽湖水縮安得駭浪衝
空嵌蒲萄綠漲理歸楫大樂豈肯終藏緘會須磨崖紀歲月
江波永作青瑤函

寶應

入寶洲中水聲同萬馬奔浪高城岌岌堤滑雨昏昏人以魚
爲飯家惟荻作門十年昏墊苦有口向誰論

抵舍

雨歇黃梅後涼生五月天歸人同夏至明月到家圓子職供
多闕鄰道約又愆一囊如紙薄何事客經年

西湖

水仙祠宇沒平蕪寶所山圍異給孤白塔亂堆歌舞地青山
舊繞帝王都好風昨日又今日新漲外湖連裏湖安得六橋
重插柳飛花遍撲酒家壚

清溪訪南亭

花深疑是避秦村映竹臨溪見笑痕破屋數間堪送老晴山
九點正當門秫田未買巾無酒菜圃初治芥有孫歸去南湖
欣其載船頭落月已如盆

魯松江餉鱗魚

楊花落後到江鄉脫網鱗魚白似霜馬上裹冰初八貢雨中

兩浙輶軒錄 卷十

穿柳忽分將行厨亦解和鱗煮緩帶先判恣意嘗太守新來
招一戶官齋直欲醉干場

送客子歸平湖

悵斷家山未得歸深秋作客計全非霜楓落後烏菱老秔稻
熟時黃雀肥小榼三升傾別酒新縣一稱補征衣輕鞭短鋌
輪君決冷夢空尋舊釣磯

德尹表叔偕崑木過宿古藤書屋次韻奉答

憔悴京華又隔年舊冬衣冷未裘綿人來巷北明燈裏夢遠
溪南老屋邊秋晚分收秔稻熟夜涼貪伴鶯鶯眠何時得遂
比鄰約同上斜塘放鴨船

登康山

五三六點社公雨二十四橋商女樓我上康山高處望鰣魚

網已發瓜洲

落帆亭

又攜書卷走風塵
錄別誰行酒一巡
惟有落帆亭畔柳
尙將青眼送愁人

鍾聖與招諸同人泛舟大明湖

蘆筍齊抽碧玉簪
柳垂長線水拖藍
郭中到處迎遊舫
除却江南便濟南

溫棐忱

字尚儒號繼菴烏程拔貢生官武義教諭著蓬窩集

山溪逢野叟

青山遙拱翠碧水近浮煙花氣隨遊屐
春風滿畫船何人閒似我有客儼如仙
獨拂漁磯坐鬚眉狎少年

陳尙古

字雲瞻德清人康熙丁卯舉人著簪雲樓集

題沈揆鋤雲集

烈風飄蕩雲顛狂白日慘淡羣龍翔天孫不敢裁衣裳片片
忽墮幽人堂幽人彈琴月荒涼十年未字貞苦孀荷鋤却欲
凌入荒殘霞狼藉瑤草香陰嶺嵯峨餘雪霜清歌微吟迴春
陽憂思屈曲如羊腸素娥夜泣山鬼藏嗟君何爲臥窮鄉中
宵起舞劍無光令我抱膝多慨慷

送遠

山暝風高水未平關河無限此長征天空鳥逐孤帆去野曠
人隨落日行漠漠汀煙浮暮色蕭蕭古樹雜寒聲莫愁鄉國
音書斷明月應知萬里情

沈季友

字客子號南疑平湖副貢生紫子著摛李詩

朱樊尊偶李詩繫序器曰南疑沈君構李詩繫其於通
民萬公方外間秀苑羅甚備汲汲乎表微闡幽其間忠

節孝義之事森然瞻列山川古蹟土風民物攬

披無遺雖曰一郡詩林是又千秋文獻資也

諸錦曰沈學詩得法于毛西河故其格律

音調頗追盛唐高秀之氣遠出當湖羣彥

錢仁榮曰客子爲西平知縣菜子少聰穎精制藝及古

文詞尤工詩嘗侍父西平署山陰毛檢討奇齡一見歎

爲曠世逸才年二十六川南疑

集行世一時紙貴名動江左

宣審歌

宣宗昔日開宮庖雕薪獅炭燒古審陶正紛紛製新式花瓷
五色如瓊瑤紅縷蹴翎銜鳳尾綠紋盤甲畫龍腰便殿春盤
初進宴內家爭捧昭陽膳深深酒盞注蘭陵窄窄茶鐺點陽
羨君王笑拂軟金輿祕色宮審獻玉除長生院裏看調鹿太
液池邊喚打魚有時賜酺臨宣室侍臣各餌生花筆席上離
離如玉甃玻璃七寶無顏色只今分散出離宮流落人家破
篋中猶識當時南內物迴龍小蓋鬪鷄鍾

題中嶽祠

未得尋中嶽花宮一徑開
相期秋夜月清嘯出香臺
二室看雲遠三花問樹來
仙人王子晉約我上蓬萊

月夜乘醉過震來軒讀雜憶詩

芳草繡春城嬌香落杜蘅
美人怨遙夜化作月華明
飛出青松樹移來白玉京
浮雲高幾許乘此欲吹笙

過海烈婦墓

西下毘陵野廟荒一帆秋雨落橫塘
貧依廡下心常苦名在人間骨亦香
雲葉似煙寒水濶土花如繡古墳涼
君知大義今誰屬紅粉青娥學內妝

雨中過琅璫嶺

放情入窮山高嶺倚天碧
我行登其巔蹣足履危石俯視枯

瀉底萬丈皆翠壁四山生層雲急雨度春陌下界如鴻濛天
地一時白聊扶葛仙杖一放謝公屐險峻非人間堪爲萬古
宅

招諸公西莊小集留宿作歌

江榆吹花山櫻老半畝春雲種香草買得文君酒一囊諸公
肯路西莊道西莊道南皮客送春風雨壓黃茅荒盡吾廬一
片石有眼雖不觀奇書却與時人不相識今日復何日空堂
多清塵葛衣蕙帶折角巾座中大有狂歌人山城吐月忽入
戶酒人如龍詩如虎夜深吟上白華樓半枕紗厨夢中舞人
生安得鬱鬱困一室當從橋邊黃石求其術悠悠烏兔不我
留乾坤難覓春消息君不見野霧南窗作曉寒紅香一夜薺
微濕

兩浙輶軒錄

卷十

游季友

十

杜鵑花歌

在天池山
一指窩

夏雲一抹千山碧
山花落盡春如客
一枝畱得杜鵑紅
蜀帝何年有魂魄
蜀魄啼殘枝上月
吹花陣陣臙脂雪
花竿子子搖金鈴
紫鸞赤鳳飛盈盈
天孫剪落雲錦片
海客撼碎珊瑚聲
我本傷心人惜花
花下醉眼看血染
紅斑斑疑是孤兒五
年淚

送陸公未菴遊嶺南

送行斜日醉郛筒
不盡山川驛路中
蝶粉夜消花逕雨
柳綿春落布帆風
到來綵服爲萊子
攜去清談是阿戎
獨有南天惆悵客
夕陽徙倚杜陵東

集西莊送愬公歸天童山

諸公一夜費詩才
爲送歸山釋子來
細菊紅當支遁室
亂峰

青過越王臺風帆堪憶愁中別花雨應從定裏開此後西莊
好相待柴扉空鎖舊蒼苔

遊西谿

生平落落愧非才對此青山付酒杯絲賤只因蠶事罷笋肥
初爲竹園開澗衝亂石知泉急山沒濃雲見雨來擬向溪頭
買煙舍千株桑樹百株梅

春仲舟過雲間慨歲月之遷流傷賓朋之凋落率成截
句聊以志哀并索諸君子和歌焉

翻遍雲間倡和詩登臺長嘯憶當時一峰峰作青螺色似笑
遊人換鬢絲

向曾有雲間倡和詩之刻

溪上風流最軼羣嬉春日染滿牋雲落梅如雪城南路一樣

花前不見君

謂董樛亭連宵雅集正梅花大放時也

沈季友

忠孝門歌贈魏處士允枏

忠臣不敢負庸君孝子不敢忘死父君不見大字橫書忠孝
門香煞魏家門下土憶昔闔閭禍作朝局如亂絲茄花落滿地
委鬼立御墀東廠官旗逮人急金扎籠頭持駕帖街市初聞
執范滂都亭又見收陳實君家忠節孝烈飛英聲手扶綱常
天地驚鎮撫堂上聲縱錚血流十指罵不絕中夜斃命完堅
貞素車號泣扶丹旌覆巢完卵夜悲鳴水漿揮去殘此生至
今道路聞其名我來訪君忠孝門巖巖猶覺衣冠存柳花洲
畔折春柳畱我空齋開綠酒名士多推梁父吟高人今識蘇
門叟嗚呼君家大節乃如此千古猶知有臣子

豐臺芍藥篇

小徑平林抹煙素踏遍右安門外路廉家舊墅說豐臺一片

花痕染輕露溪上人家曲繞城插籬開圃花爲生銅瓶曉灌
青雨落紅鈴不動春無聲膩葉嬌芽駘蕩裏一堆暖烟扶不
起江南此種真絕稀何必姚黃與魏紫我本天涯流浪人每
逢花事獨傷神醉眼欲赴蘭亭曲折贈誰畱消水濱愛花惜
花花下坐小壘羊絨陳酒果村翁檻外撈一枝溪女籃中分
數朶長安市上塵濛濛貴人雜沓騎青驄那知別有春如海
十里紅香撲面風

遊龜峰

看遍西來青萬束自謂平生飽雙目那知復有弋陽山三十
二峰奇翠足借得春槽杏葉羈直走溪南探徑曲夾嶺泉分
細滴聲紅泥盡透松芽綠劈開赤峽通一門老樹新煙藏佛
屋四圍峰勢如怪雲千丈挿天皆秀黼靈龜三疊磨黑紋獨

覺幡幡據其腹此外羅立何續紛天矯撐空削寒玉各因形
似命以名一一呼之都可錄若使行來面面看向背隨人得
所欲山有雙劍觀音巖樓石蒼巖戲鰲鰲背展旗斷臘象牙獅
子如意香爐香盆靈芝畫壁金龜玉柱仙火石人諸峰
摩尼古洞遮蒼藤摩尼四聲遠應驚危谷一呼四應不似
江南無骨山攬土搏沙徒勝肉安得詩成題絕壁鴉兒大字
霜毫飛風流香令多清才點綴應須到林麓倘逢驛使道相
思寄我碧綃秋一幅

姜宸英

字西溟一字湛園慈谿人康熙丁丑進士第三

本朝名家

詩鈔小傳姜宸英以詩古文詞馳譽江表書法

聖祖

仁皇帝

稔識之嘗與朱黃尊嚴繩孫並稱日之曰三布

衣已未詞科朱服皆入翰林而先生不遇久之川薦入

史館食

七品俸未授官年七十始提南宮殿試進呈

上問十卷中有斯人姜宸英乎大臣有識其字蹟者謂第八

卷當是

上云宸英績學能文至老猶篤可拔置一甲為天下讀書人
勸於是事以第三及人及第授史職已卯主順天試以事下
獄勘問事未及白而先生已赴玉樓名矣先生有集然其
時日與輦下詩人縱酒論文嘗謂我輩人於集幸有
詩或傳與否均未可知惟當牽連綴姓名於阮生朱老
傳者即所附載之人亦因以顯如少陵之於阮生朱老
東坡之於杜伯升老符秀才是
已因鈔是集并記其言如此
兒亭詩話西溪知遇最晚年七十始中式一甲第三名
補授編修余嘗於友人處見西溪小像一幅梧竹數木
瘦石一拳西溪則跌坐其下有湯西崖題五古
一章多惋惜沈淪之語蓋其未遇時所畫也

來青軒

茲山最名堯開軒冠羣峰巖巒互回合缺處當其中金輪湧
海底白波翻回風鳥隨碧水盡水將銀漢通爽氣落戶牖遙
想憑虛空雁齒沒山骨龍鱗凋松容昔聞翠輦過尙看垂露
濃閱世有代謝葆道資無窮所以廣成子終日遊鴻蒙

松磴

中天結紉宇叢木時窺蔽磴道交綺術疏泉築文砌盤盤入
宵冥落落無根蒂松風恍可悅遂此成小憩平皋下夕陽暮
景騰紛翳飛鳥之所沒孤雲奄其逝誰爲感予心撫石自凝
睇

宜亭

不知秋遠近水色漲平蕪
曉岸多漁網浮舟半竹廬
橋欹眠折鞦韆倒坐閒
鳬落日宜亭上寥寥我輩俱

陳玉言

字青崖號山堂蕭山人康熙丁丑進士
歷官翰林院編修河南學政著青苑堂集

浙江通志至言爲編修時與纂四朝詩選癸未丙戌兩
爲會試同考官稱得人丁亥視學河南前任揚州曾擅
公明之譽至言繼之士論後先頡頏自幼即工詩文與
同里張翊可齊名毛奇齡數稱之謂能守古人三義入
法之意而不變所謂工

主於才達生於明者

定香亭筆談青崖弱冠負詩名其五七言律體雄秀深

藹有酷似毛西河者如登大尖山云萬壑收江雨千花

護佛燈馬將軍移鎮羊城云漁陽都護新持節橫海將軍
早受降晚泊蘭谿縣云沙村白舫橫官渡瓦閣紅燈
出女牆邊詞云沙苑馬肥青首宿涼州
人醉綠蒲桃等句宜西河之亟賞之也
雪後訪鄭鍊師

青山自招隱結宇在河干草色雪中盡春聲江上寒煙霞雙
橋井龍虎一蒲團誰識逃名處黃冠歲月寬

登大尖山寺

寺隱諸峰小盤雲上百層玉池涵淨水金殿鎖枯藤萬壑收
江雨千花護佛燈寂寥重閣晚古蹟話山僧

夜過姑蔑戰場憶李鄴園大司馬

百戰孤城地星河影倒垂草曾嘶甲馬谷似轉旌旗宿將仙
人稱元公帝者師只今江上月猶懸峴山碑

重過樛里訪翁二處士

深樹隔西灣人家小塢間蘆洲堆白雪茆屋納青山嚴子初
垂釣侯生老抱關十年重問訊容易鬢毛斑

蘭江舟行卽事

是水皆平野無山不到城船從天上落人在樹頭行斷壁秋
蟬咽荒村夜角驚客途曾未慣淒絕故園情

聞石庭上人新居香草庵却寄

庵在謝花橋

飛錫知何處南湖好結庵草多香近屋花謝水成潭詩自閒
中得禪從定後參故人蓮社散只有舊瞿曇

馬將軍移鎮羊城

五兩風吹拂繡幃樓船動日水瀧瀧漁陽都護新持節橫海
將軍早受降番月白蓮嘶甲馬蠻雲紅盡散珠江粵人自有
珊瑚貢銅柱功高靖此邦

邊詞

王師十萬渡臨洮
榆谷城邊捲白濤
沙苑馬肥青苜蓿
涼州人醉綠葡萄
陣雲夜合邊笳動
朔雪晨飛塞雁高
爲報樓蘭方接戰
將軍親自挽烏號

晚泊蘭谿縣

雙塔孤篷繫夕陽
浦雲飛盡夜生涼
沙村白舫橫官渡
瓦閣紅燈出女牆
不慣客情江水濶
賤沽村酒雪花香
晚來聽唱丁都護
明月關山合斷腸

將至龍華江懷姚十九使君

千尺龍華水半灣
相思長望朔雲間
裴航罷郡家何在
衛玠還朝鬢已斑
五斗不歸新白社
一官難易舊青山
飄零漫說用文客
慙媿依人苦未還

江村

江村抱郭水平橋曲曲沙痕兩岸消殘雨白遮雲外樹落霞
紅帶晚來潮亂篙半渡灘爭嘴野犢閒驅草沒腰泛宅浮家
真不厭此生只合伴漁樵

雪巖山樓坐雨柬唐廣文

遊巖舊宅傍雲屏楓葉桐花落滿庭山雨忽來深樹白江峰
亂壓水樓青鶴歸秋浦迷仙徑人對重臺想客星遲汝看雲
共招隱題詩爲乞草堂靈

白丁香花

幾樹瑤花小院東分明素女傍簾櫳冷垂串串玲瓏雪香送
絲絲麗燬風穩稱輕衾勻粉後細添薄鬢洗妝中最憐千結
朝來坼十二闌干玉一叢

鞦韆辭

紅袖女郎年十五鞦韆架上翻鸚鵡百尺紅繩擲綵竿飛入
桃花不知處綠羅裙子雙鴛鴦東風吹散胭脂香金釵忽墜
珠欄邊隔紗笑入東家牆東家大婦邯鄲媚自言慣入鞦韆
場側身理粧暫移步嬌羞宛轉復回顧纖手斜攀楊柳枝高
蹴蓮鈎畱不住點水驚鴻隔樹飛銜泥舞燕穿簾起驚鴻舞
燕低復揚雙雙倒影斜陽裏斜陽倒地喧暮鴉大姑小姑各
歸家綠繩畫板空復存隔牆但見紅梨花

舟過嚴陵望睦州因憶毛會侯明府

東風一葉上嚴陵昏樹重沙轉百層山月白懸孤塔影夕陽
紅見野祠燈愁看雁字情無賴欲釣羊裘苦未曾忽憶毛公
十年別梁園勝事已如冰

春遊同吳六應辰張四星陳金大以賓韓十三渙文暨

家魏公兄登摩烏山蘭若醉中慈上人索賦

湖光如練山如拳青天倒削波心蓮何年飛下小蓬島驅山
不用秦王鞭山前山後桃花路不上湖船那能渡滿船載得
踏春人荷帶荷錢春欲暮茅庵誰結山之阿青竹江籬古薜
蘿徑穿曲磴飛紅雨門對平湖卷白波白波卷不開紅雨飛
不定湖風忽起亂鴉啼白雲流水瀉成鏡座中韓生忽大叫
對花無酒花亦笑阿菱十二能操舟自香山歌童名阿菱隔湖買得射
洪到射洪春酒醉百壺壁上新詩值一掃慈山山人知不知
人生行樂須及時

魏

坤

字禹平號水村嘉善人康熙己卯

沈德潛曰禹平係忠烈公後人少負才名交藩
宇內而遇合獨艱詩體研摩宋人各從所好

錢仁榮曰水村弱冠工今古文遊京師就試橋門撰石
鼓賦國子師交相擊賞以爲絕倫所填樂章被歌管悉
合於律

書先伯庶常公絕命辭後兼寄都門修明史諸先生仍

前韻

碧血磷磷光燭地土花蝕石埋瓊面墨痕蒼勁逼魯國銀鈎
鐵畫爭巉巖憶自甲申春召對君臣雪涕搢朝衫不辭建議
襲靈武揮戈庶反西山銜鼎湖弓墮龍竟去秦庭淚竭兵符
絳巷戰不行救不至黃巾匝地誰能芟整衣再拜書此作投
筆絕叫如摧巖同時出亡後死者淄澠力剖分甘鹹名高輒
遭狐鼠忌競修宿怨多詰誦貝錦欲污縣竹節蕙苴橫被扶
風讒今之董狐公等在願將此恨重磨劉三百年來畱正氣
汗青可借臣心監我聞古人闢忠烈扶幽剔隱同飢饉文章

亥斧豈草草自有冥漠感至誠千秋表忠存信史事關大義
非毫纖

寄居蟲

人生如瓜牛長負驅殼累何況外緣假妄思得久寄茲物生
海端乃具周身智常共水族遊愛此一螺翠延緣遂遷入宛
轉據其內腥涎吐清波微風納涼吹揚暑遇釣師觸急輒驚
避兩兩收霜鉗虛中得靜閤晏然稱寓公久亦漸忘僞如以
物附物是一卽非二而我辭鄉國歲歲因旅次結茅少定蹤
對之發深喟暇或箋蟲魚爲汝別種類

登黃鶴樓

江聲已吞大別口東之不住復東走怒濤萬頃天風號沙岸
日斜澹欲吼一葉剪過煙波灣登樓憑欄十二闌忽飛涼雨

蟻衣濕白浪高於黃鶴山山川滿眼來蕭索吟髮低垂且孤
酌青蓮畢竟非仙才崔顥題詩不敢作醉擬橫將鐵笛吹歸
向仙人借黃鶴

慈仁寺有鵲孤雁者四明萬季野購畜於庭作鵲雁詩
邀予賦

不趁涼雲結陣飛鵲孤似爾欲何依彌天增繳雖知避滿地
江湖却暫違空守殊鄉驚歲晚難招舊侶待春歸臨風無限
回翔意獨立閒庭對落暉

鰕魚

登州地環海水族天下無有魚厥名鰕種別形亦殊似割蚌
之半鬼魄相涵濡體具孔者九不斷如連珠產從馳碁島倚
石爲根株漁師趁潮汐潛駕海上桴緣崖持長鏡蹈險忘艱

劬一創卽崩剗再創無完膚彼方恃附麗永不墮網罟詎知
殺機發伺巧收其軀客中需羹材喚買充官厨清泉亟洗滌
沙淨手復剗外強中未乾蠕動猶瞬喘法用活火煨俎藉饒
叔拘爛蒸茱萸辣競向盤中刳因思在鄉國一枚直千銖畢
竟鰓勝薤味脆同雞蘇翻嫌肉芝俗轉訝蚶蛤鼈年來困抄
撮倦眼愁模糊其殼去昏翳久作藥物呼不獨磨口腹兼助
雙瞳瞞南歸收一斛拊笑成貪夫

朱

樟字亦純一字鹿田號慕巢晚號灌畦叟錢塘人

朱彭曰鹿田少從毛西河遊頗爲西河所賞遂耽吟
咏官蜀時行必載書曰隨遇遺事古跡考據精確有作
經編輯成帙已刻者有叱馭古麗問絹白第一半句雷
冬芳諸集未刻者有郊曲郎語待雨軒掩塢山莊鄉夢
樓諸集補什之富幾不減翻南矣家居後借金觀察志
章陳孝廉景鐘莫文學杖杖策湖山遊屐始過年八十

隨園詩話乾隆初杭州詩酒之會最盛名士杭屬之外
則有朱鹿田吳映亭汪抱樸金江聲張鴛洲施竹田周
稷門每到西湖堤上挹裳聯襪若屏風然有明中讓山
兩詩僧畱宿古寺詩成傳鈔紙價為貴南屏坐雨鹿田

有句云一角山昏秋欲晚

滿

定香亭筆談亦純七言古風繼險鑿空五丁開山手也

若猛虎行健亦純七言古風繼險鑿空五丁開山手也

鳴泣紙上矣

龍洞背龍門閣

葱嶺峙龍門樛葛黥林藪至今儲陰姦怪氣絕翔走苔梯險

逾滑一步九回首衆流瀦為潭饕餮張其口白晝還風雷石

穴不收扣梁山記葱嶺石時方值清冬水縮落枯臼倘冒暑

雨行夫豈一夔吼吾聞李唐衰淫滌產妖后見義山利州江

金輪昭陽睨神器金輪主樞紐東方多侏儒學窺王母牖奈

何赤鯉公竟落鸚鵡手來尋禍水源無計塞嵌竇但聞波濤

聲垠塙蔽前後斜日界連岡神劒飛來否

義山江潭詩神劒飛來不易銷

千佛崖

利州千佛岩許公大手筆

唐蘇頌有記

流傳碑碣在蝌蚪雜

梵刻蜀山稱璽瓏巧峭誰與匹藤陰貝多樹時潤太古色雕

鏤窮鬼工消費年月日高穴暗藏猿壤龕誤巢鼠左拍洪崖

肩右接維摩室世尊開慈光阿難傳其側或負舂鳥窠或抱

寒岩膝有時津梁疲臥示窻生疾有時搏龍象伸手試慧力

武乃刀劒張怒且毛髮立翻翻如佳人環珞分五色好顏金

裝衫素髮頂螺漆歲久生莓苔氣宇轉蕭瑟當年崇釋典象

教守僧律自遭劫火焚十寺不留一此豎巋然存所性在真

實高雲猶縈紆清江尚奔溢欵乃空山中巴人弄船出

華陰廟望嶽用韓昌黎謁衡嶽廟遂宿嶽寺題門樓韻

崑崙西決愁天公蟠結瀨氣凌關中咆哮巨靈拔地出踣圻
雨戒誰雌雄三峰落手若斲削舉眼一髮秋毫窮妄想摩挲
過飛棧耳畔翼翼馳罡風茅龍豈肯首尾見博箭直頭鈎梯
通十丈藕船不可踏花覆菡萏青房空嶽峰奔湊互明滅玉
宇凝碧星光融明星玉女皆太華峰名廟前螭碑尙林峙白帝禋祀虔
齋宮雲陰古壑剝殘畫左右綵仗如花紅國家告秩有常典
燔柴八月陳丹衷元化所濡甘澍降仰露勿用金夫躬玉姜
縹緲但來往環珮疑與人間同攝衣躡登最高閣仙部笙鶴
才三終郊原遠近富禾黍粒我萬邦惟帝功真源無際徒探
索夕影倒射生朦朧起呼道人送客去何日馬首看余東

石磬寺龍洞歌

寺門初日津微霜木葉墜地茶僧忙來尋細徑穿磴确巨石

壁立如堵牆崑崙元氣自翕闢天豈無意開龍堂龍君所居
珠滿屋外戶不閉疑慢藏譬如鑿竅死混沌藤蘿之外青茫
茫五丁刀斧迎不得南北累卵窟中央主僧導行縛蜜炬嵐
氣熒熒燈無光壁立黝黑不辨色頃刻白晝移昏黃命懸燭
火救長夜續以青篋然松肪苔花細篆蝙蝠翼乳竇倒結芙
蓉牀空中但聞谷聲響答人言語聲鎗鏜誰邀巨靈拓此境
嵌空欲壓增磅礴風起暗穴冷然善結願消夏生微涼欲窮
脚力試深淺穿底恐到無何鄉土人告予避兵處呻男吟女
愁滄桑恨無好事撰碑記三游傳者惟歐陽回聽澗戶響琴
筑送客一水鳴浪浪他年幸逢採藥吏花發九節萸蒲香

皆九節
萸蒲

石雲板歌

觀霧山
絕頂

泗濱磬失元音希石樓結撰高霞飛青花倒彈芙蓉而掛出
秋天雲一片塊然疑不辨宮商發音清越餘鏗鏘不知誰與
工好事強錫嘉名同樂器一擊風露晴再擊林壑清以女相
將和仙樂鳳凰欲下天鷄鳴穴通四時按八節磨刀割之色
如鐵太古畱存正始音悅耳肯作蟪蛄吟懸崖彭航助奇響
飄然只有雲來往我欲鞭起仙人吹鐵笛半夜空山吼霹靂

猿洞歌

蜀江流黃鎔蜜汁黃猿跳梁白猿立湍滙不容魚出入水深
反有枯魚泣亂石與舟相磋磨欲住不住盤干渦漿牙一瞥
飛電過回頭但見橙木多橙林蒨匿何所有來往啼猿踏枝
走母負子行子抱母續臂藤梢飲溪口我聞峽山美人去無
情化爲女猿草木驚空山吹落玉環聲至今破寺畱其名兩

灘崩奔號千里奪命長蛟在船底上灘掉船下祝米一舟出
峽三老喜

猛虎行

有虎有虎眈眈視不坐箐林占平地制人先搜百步威咆哮
自矜爪牙利亂草從風怒作聲衆獸低頭皆喪氣嗟爾獵戶
竟何爲披髮鬼偃敢用事哀哉鬼偃何其愚結草抗杜明區
區爾仇在側忍勿報始信虎偃多懦夫但使爾輩不用命虎
空有皮人有筭一朝買滿漢其羣橫死原非虎爲政幽林日
薄秋風哀招汝偃魂歸去來鬼燈四散髑髏哭明日山家賣
虎肉

催租行

催租吏不出村手持官票夜捉人今年官糧去年欠不待二

麥田頭春衙鼓三聲上堂坐又發雷簽急于火

新例發風火雷簽追新

糧半待舊糧催前差未去後差來男呻女吟百無計數錢先
償草鞋費剝肉徒充隸蠹肥醫瘡豈爲農夫計誰憐禾黍被
風吹秋泣無收官不知官不知誰與說短袖貧兒仰天泣不
求按畝蹢荒田只望緩征勾縣帖春來雨水皆及時青桑吐
葉無附枝蠶山落繭車有絲不怕官庫堆錢遲東隣白頭嫗
起早黃口小兒啼不飽無錢能買爪牙威七十老翁拿過卯

杭州北糧目
謂之過卯

梅市

來尋梅尉市花徧惜田馨春水宜鵝鳴人家上畫屏嵐光鋪
野白樹色到船青有客能吳詠閒教越女聽

汝州早發

林鷗初散欲平明春店街前疊轡行下蔡人迷朱粉色汝南
鷄忍別離聲微雲漸沒秋林遠殘月相隨短夢生偏是客心
牢落處權籬花謝白駝鳴

南湖春泛同虞尋樂廣文題煙雨樓壁

燕稍飛渡往來輕湖上茶靡雨乍晴斷岸却畱山意好女牆
青出秀州城

亦有虛舟繫短槎新荷驟雨唱吳娃水樓半壓垂楊外遙指
紅衣是釣家

楊守知

字次也號致軒又號晚研海寧人雍正孫中訥子

陳勳

字海亭詩派自陸宰齊朱岷左父子查輯荒爲

國初

勳自至初自查浦兄弟以五七字冠冕一時致軒從

宋西

隨園詩話次也貧窮潦倒老益贊贊無所藉嘗過江寧

尚尹制軍繼善尹見其精神矍鑠甚欽羨之楊曰夕陽

無限好只是近黃昏尹曰獨不聞天意憐幽草人間重
晚晴乎楊退而語人曰小尹吐屬固是不凡蓋尹自幼

聘為小尹云

俞賓華曰楊守知成進士後歷官平涼知府以事左遷

終中河通判工詩與歸安沈樹本平湖陸奎勳五善柯

煥稱浙西四才子詠物詩頗多佳句如梅花云當曲折

時偏偏強便繁華處總孤清詠柳云別路與誰同悵

春光無汝不風流

皆為自己寫照也

鮐荅生牛馬及諸獸腹中似石非石大者如卵小者如

鮐荅生牛馬及諸獸腹中似石非石大者如卵小者如

載畧同但此物有五色而李時珍本草以為白色蓋

南人未之見也番人云龍精或延遺草樹間牛馬放

牧食之則孕此石與

雲致雨氣類相感耳

邊沙四月草木鮮白駒黃犢紛滿川神龍有寶不自閼洩雲

流霧噴冰涎深山雨過土痕碧牛觸馬踉蹌貪潤澤陽精入腹

凝不化醞釀龍蓀成異石脊兒歲晚無糗糧屠牛宰馬充飢

腸磨刀霍霍明如霜剖腹得珠喜欲狂清泉浴血發光怪陸

離五色森星芒邊地山高常苦旱一雨不時中谷曠前年夏
五豆麥枯蒿目家家望雲漢碧眼胡僧何處來手握至寶登
高臺爐香盂水持密咒頃刻靈雨持轟雷焦芽卷葉欣欣綠
四野飛沙淨如沐千村萬落動歡聲斗酒豚蹄爭致祝邇來
閩越荒歲多梁郊宋野書無禾堯湯不免憂水旱人窮其奈
天災何安得此石三千斛載拜胡僧受符籙普天萬里盡施
霖倉庾京坻悉充足

藏佛

大者高三四寸小者僅半寸許以最小而計曰端秀者爲貴番人極所珍重作錦囊佩之云可辟惡

古佛金容身丈六番奴緇造寸不足波斯銅鑄骨棱棱紫磨
金塗光燦燦形模雖小相好具髡耳修眉垂兩目華髮瓔珞
覆半肩袒著前襟幅巨腹一手按膝一當胸直鼻方頤笑容
掬香螺旋頂滴飛翠趺坐觀心意何淑雕鐫瑣細窮秋毫股

豈衣痕儼如簇胡僧敬佛如敬天綵索珠囊懸佩玉打包攜
作護身符能辟諸邪迓天祿吾聞彼教有神通大納須彌小
盈粟一微塵廣百由旬勺水能令八龍伏幽荒誕怪不可稽
姑以華言通梵牘自從金人入夢來千五百年遭螫毒毀冠
裂冕烏可訓乞牘剗身刑更酷種因得果是何言奔走愚夫
競邀福平生作惡不自驚妄冀慈悲超地獄氓之蚩蚩何足
云墨行儒名了無惡程朱既死呼不應長夜漫漫誰秉燭琳
宮糾宇遍通都冷落鵝湖荒白鹿瓣香近不嚮鄒魯萬里流
沙奉天竺昌黎一表百世師足破昏蒙迴薄俗濫觴漸積成
江河滿地光緒豈勝逐何當奉佛還向西蠻伯番君自爲族
祇聞弟子數十萬仍隸編氓返初服盡收游手入耕桑婦婦
夫夫傳似續西人學佛東學儒永判鴻溝勿相漬

藏香

有黃黑二種其粗如筋長可二尺許焚之煙氣直上高至一二丈始散作雲車芝蓋之狀其氣清烈

迥異他處所造者

西番作香炷其製精以虔黃如屑代赭黑如磨倭鉛長條如束竒勁縷如張弦星光閃螢尾一綫擎孤煙修莖布濃穗散作兜羅絛輕風蕩游絲解髻飄垂髻氤氲久不息蘊藉逾蘭荃雄虹與雌蜺噓氣相糾纏翔鱗及翥翮勢空盤旋路遙物自貴力厚氣乃全嘗聞產香地多在東南天占城及交廣紀載紛流傳馬牙沈水底雞骨求山巔臍豐麝自剔芸細人爲編煎既重羅甲餅亦珍龍涎舶能窮萬里樹或逾千年塊形結龍鳳瑞品成蠶蟬簪糖軟堪齧必栗細可研春膏阿瑩苗細馥摩勒宜衣防韓掾洩坐喜荀令聯譜繁難備舉錄夥勞深餘蠶煙繅絮雨孕氣歸山川藏香獨異類僻陋生西偏

霜嚴雪更苦破凍呈幽妍士窮不入黨孤潔祇自憐女靜不
名妒子處含嬾娟不近脂粉奩不登酒肉筵雲中招白鶴翩
然致神仙遐哉事輕舉吾將尋偃佺

藏刀

脊刀棱棱藏玉琬牝牡相銜如橐筆髹皮裹鞘金鍍環滑靶
圓筒峭而栗寒鏑寸寸抽魚腸凝波不動含精剛深林月黑
鬼魅泣暗中閃鏢明秋霜番兒好財兼好殺歲歲邊頭恣剽
掠窮奇直遁天地外不受三章漢王約邇來頗識

至聖神塞門稽角俱來賓牽車服賈失險阻重譯萬里消驚
塵吾

皇聖德過堯舜舞羽格苗無戰陣狼心鳩暇化最難寄語元
戎勿開釁

莊浪刀

折鐵作花細若絲髮鋒鉞犀利久而不到他處莫能及也

良工夜採天上鐵鎔鑄陰陽成粹質金精得火氣彌剛百折
千磨真性出蛟胎鵝尾細莫分指顧旋作青螺紋深溪一淬
鋒刃利截斷峰峩朝浮雲裝成何啻千金重白玉連環銀索
控同心爾我論行藏藏器十年仍不用主人漸老負荆緱筋
力駕鈍霜蒙頭偶然出匣一拂拭炎夏凜冽如清秋破窗昨
夜蒼龍吼怪雨盲風撼林藪電光一道閃金蛇白帝精靈遶
牀走馮生彈鋏空自悲賣刀買犢計已遲寶光搖搖燭星漢
風胡死後無人知報仇瑣細非吾志刺虎屠蛟羞小試酒酣
撐眼睜青天何限胸中不平事

東歸留別八首

僕以康熙庚寅四月守平涼壬辰九月呈議落職二

三故舊時時見存今且將別去友朋贈處烏能忽然
又四五年間往來邊塞所聞所見或附於篇

孤踪迢遞落邊城敝屣簾官一擲輕射虎何曾侯李廣收牴
幾欲老蘇卿百年已分匏瓜繫半夜居然馬角生揮手關門
謝朋好夕陽秋樹晚笳聲

回車豈敢效王尊投老班超入玉門三尺果難逃吏議一麾
久已負

君恩青蠅點豈饒完壁白日光寧燭覆盆廷尉至平臺諫直
孤臣心跡與誰論

去馬來牛一窖塵浮名誤我作勞薪早知靈運難成佛誰信
曾參不殺人未免移文愧猿鶴何妨歸興托鱸尊賣刀買犢
吾休矣

聖世田間有幸民

吉凶那用問神蓍榮落由來有定期不計輸贏鹿了局略知
甘苦莫言醫毒逢水弩元難避病到孟蛇最可疑枉費心情
箋爾雅渡江鹵莽食蟊螟

流行坎止信前緣淹滯秦西候五年歷鼠依蛩原少足蝸牛
上壁已無涎飢來欲乞陶潛食窮極難留杜甫錢屢誤瓜期
堪一笑今朝真許賦歸田

不是征夫也白頭一聲哀雁萬山秋綱茶種馬開邊市厚祭
豐貂過大裘節使莫忘嫠婦恤書生慣作杞人憂浩望河與
允吾谷誰上籌邊第一樓

臘清亭郭到河潯一范軍中用意深小醜豈容窺雁塞舊田
自合返龜陰預防蠶食營桑土蚤使鴉音革泮林從此邊庭

烽燧息堠人安穩臥青岑

時寧夏范總鎮時捷方復察罕托合河套

牽絲刻木技如何傀儡登場一刹那竹馬才聞迎郭伋羽書
旋見代廉頗陳人多似風催葉逐客忙如水疊波同著南冠
先脫紫諸君早晚唱驪歌

菊花

耐久相看擬入林澹交也有歲寒心問渠何苦淩霜出舍我
誰能冒雨尋東道幾時貽綠酒貧家非分得黃金只應寂寞
西窗下閒伴詩翁仔細吟

函谷關

若將形勢數西秦扼塞山河果要津可惜泥丸封不住雞鳴
又見度關人

陸

師

字麟度號巢雲歸安人康熙庚辰進士由御史官至交寧道著玉屏山人詩集

陸

師

三

湖州府志師釋褐授河南新安令歸補江南儀徵多惠政其大者葺學宮修縣志勝於鄰邑二年以課最行取士民攀畱建生祠祀之

之官真州述懷

昨歸自東垣結廬屏山住書史尋風好長日儘可度親人焉用祿涕泗誓諸墓此意愧未堅又被微名誤綺羅紛五色鳴機自織素縱然違時趨努力守故步

爲士不學道所得皆支流爲民不服耕逐末非良謀彼都中聲利迷罔何當繆一髮挽千鈞力薄知未周我舌敢辭敝我行敢告休力田與孝弟勗哉景前修

禱雨自効

祝融乘權號令酷赤日黃埃助炎熇稗禾枯焦似束薪澗溪涸竭行成陸衰哉斯民瓶甕空婦歎兒號盈白屋已走羣望

薦牲璧未見天公鞭蟄伏天降災祲非偶然母乃感召由司
牧一官衣食寄閭閻何忍鞭箠等犬犢本心未喪戒摧戕於
民無恩僅無毒黃昏縱謝四知金白日虛糜五斗粟我今自
分無寸長官方久矣失襦逐安得賜雨時若民無飢掛冠高
隱弁山麓

騎牛曲

牛背兒童自放歌頭頭注潤復踰坡問渠何法牛馴擾鞭撻
無驚芻牧多

錢兆沆

字蓼沔長興人康熙庚辰進士歷官荆南道著露蕭堂集

吳興詩話長興錢朗亭中丞珏以知縣行取御史游撫
山東子蓼沔亦以知縣行取御史轉禮部掌印給事中
恭與重陽聯句外轉荆南道湯西厓贈詩云隻手誰能
障巨河空驚五色眼中過新愁柳岸低攀秋舊夢宮花
煖襖靴楚澤三秋吟陸露漢庭一笑失橫
波先生貝齒侏儒飽底用風前想玉珂

兩浙輶軒錄卷十

命使采若編夢溪嘗奉使漢杜絕苞苴旬蠻感悅廉聲著

探萬玉庵古梅次吳太守綺壁閒韻

寂寂空山裏寒梅閱歲時根欲雲臥石蕊破雪封枝寺任鐘

魚廢春先草木知仙人藐姑射老去轉多姿

讀關書感

綰綬重來強仕日趨庭回憶弱齡時擁門旌節騎箕早壓帽

清范捧檄遲濁浪風道環堞壯高墉山峭倚河危三秦形勝

還依舊獨立蒼茫有所思

湯右會

字西昆仁和人康熙戊辰進士歷官吏部右侍郎掌院學士著懷清堂集又未刻集

浙江通志右會奉

命賦文官果詩蒙御製一首御同右會韻有葺香葉密待詩公之句舉朝傳誦

以為儒臣之至榮右會詩高超名貴不落一語凡近在

黔有使黔草在豫有嵩洛吟

在奉天有遼海集並行於世

杭州府志卷之五 名臣傳 右曾少有才名康熙進士授編修興
試貴州長史曾給事中轉戶科掌印給事中疏論錢法大
採花銀錢小錢不必銷毀宜減價流通會議如所請督學
錢改鑄小錢府丞應光祿太常通政
河南陞奉天府學士擢吏部右侍郎
使翰林院掌院學士擢光祿太常通政
朝名宗詩鈔小傳西厓為漁洋入室弟子初膺史職終
掌院事大小雅材悉歸陶治查田贈詩有且喜歐陽為
學士蓬山領袖
得詩仙之句
朱文藻曰湯右曾所著懷清堂詩集已刻者二十卷謹
案

欽定四庫全書已著錄提要稱浙中詩派論者皆前推竹垞
後推西厓兩家之間莫有能越之者今觀二家之集朱
蘇尊學問有餘而才力又足以運掉故能鎔鑄變化惟
意所如右曾才足肩隨而根柢深厚則未免稍遜齊驅
並駕似未易言然亦近人之卓然挺出者
也其未刻詩一冊稿從其後人索得錄之

九日登慈仁寺毘盧閣

大海一粟浮神鼉平地湧出無波濤鯢生蚤衰困筋力風駕
雨腋鬼鬼高危闌遠望飛鳥沒欲與鷹眼爭秋毫豁然四虛

倚空濶下睇萬木環周遭車馳馬驟漲塵底始信物外容吾
曹蔭收西行欲弭節坐覺歲月流滔滔霜清日薄作重九來
此佛寺持松醪先賢故事試續說五經逸字誰題糕

莽式歌

莽式者樂舞之名也歲以季冬隸習禮部畧如古者
百戲之屬甲戌十二月十四日余得寓目乃爲作歌
季月臘日烹黃羊饌翁僂子如俳倡嗔參雜伎闔里社細腰
疊鼓喧村場太平有象自廊廟五百角觥修總章春官都試
平旦集萬人聯袂東西廂南箕北斗拱樓攬繁絲軋竹同清
揚闕驚出林吼號虎狼謗富道蹲封狼剽然忽變戰場態金
戈鐵馬聲鏘鏘左旋右抽嫺進止先偏後伍紛低昂弓彎不
射刃不斫徐以一矢定寇攘勇勳觀兵耀德意詎止武力夸

多方帑鞬鞬起上壽千年萬年歌未央昆明池頭夾柳路
洛陽樓下列炬光麟洲小水跨鳴綠九部亦得諧宮商紫羅
帽邊插烏羽絳抹額上搖金錯輕身似出都盧國假面或著
蘭陵王盤空筋斗最奇絕如電礮礮星光芒解紅俄作小兒
舞文衣綵縹顏紅霜戲馬關邊身便旋關雞坊底神飛翔踏
歌兩兩試燈節秧鼓面面回春陽牽絲底用魁礮子阿鵲稚
擅籬條娘雙童夾鏡技渾脫晚出絕藝驚老蒼弄丸一串珠
落手舞劍百道金飛鋌我聞殿前陳百戲緬昔制作傳漢唐
魚龍漫衍雖技巧亦與民物關機祥賜酺懸知俗安樂拔河
爲卜年豐穰只今殿庭虞懸備兕離儔侏咸賓將鳴珂拊石
洽至德散樂亦預約天張恍從輜軒採謠詠正以鞮屨懷要
荒書郎羸馬久憔悴乍與鮑老同顛狂爰居縱駭鐘鼓饗舞

鶴自應參差行千周萬市狀倏忽舌撝目暄心蒼茫作歌形容莫究悉竊喜六律調歸昌

九日琉璃殿登高同劉若干作

冬官搏埴歲有程千夫許許雷發聲蓬萊宮中陶萬瓦歲久土積山崢嶸登山一笑此何有却與今年作重九天邊斜日映孤雲望裏西風帶衰柳憶昔慈仁飛閣中四虛突兀撐青空昨歲蠻江驟風雨雲幙周遮艷歌舞豈知萬里從天涯帝城復采黃金花悠悠感事默惆悵茫茫萬古空咨嗟君不見宋公戲馬臺英雄格鬪餘蒿萊又不見杜老雲安晏詞客哀時淚如霰我曹幸際太平日瀚海烽銷新罷戰佳節猶堪繼觴咏書郎莫漫憂貧賤河冰昨夜凍桑乾積雪隱見浮雲端蒼茫臨眺日欲落激激衣上風吹寒日飲無何愛犀首且

歸與子同杯酒

同劉青岑遊嶽麓寺

孤櫂隨輕風江波澹容與歡言故人驚共此霜洲渡遵岸草
徑微層陰嶺雲互去鴈飛且鳴驚麝走還顧威紆陟崖厂隱
見蔽煙樹入院聞佛香悠然得微悟石門寒葉積竹筓暗泉
度窗中洞庭野木末瀟湘路松關映殘雲時新物已故諾公
詩家流雕琢有秀句相將其游衍往復愜歡趣曖曖日隱邨
沉沉水生霧歸橈雜漁火山氣上煙露人生流電驚雙鬢易
衰素期君簿書暇有約勤來赴

登雲麓峰望南嶽歌

我聞三神山遠在東海東神仙恍惚路難到世上五嶽蟠胸
中憶臨滄溟倚日觀九萬曾踏扶搖風昨辭蓬萊建羽節陽

景一翳迷高崑西南萬里入羅鬼似墮幽井窺圓穹東還雲
夢吞八九張樂已在軒轅宮七十二峰青蓮屬蒼悟天外雲
濛濛清湘水流環九面南嶽神鎮齊三公靈妖物怪數藏納
丹雘赤幕光瞳矐峰峰低昂宛相次獨有紫蓋爭祝融雷泓
風穴互開闔玉書金簡留穹窿岫嶠山尖蝌蚪字人跡欲到
路已窮使者虛亭花藥繞山人蛻骨煙霞通似聞綠髮有毛
女不少翠羽來青童離宮福地人縹緲目所眺矚攀躋同衡
陽縣前昔騁望壓陣巉巉雲排空仙人只尺俗緣誤況今百
病中交託升高視遠腰腳軟左右扶掖如衰翁道人鐵瓦緬
遺構拜嶽之石高龍縱九疑清猿怨遙夜洞庭落日浮孤篷
漢女幽蘭冉冉翠楚妃淚竹斑斑紅振衣周覽窮上下忽與
意思增清雄人間擾擾等蟻蠊慎勿變化隨沙蟲君不見迴

層峰來八百里却手欲駕冥飛鴻

九日同西溟赤抒西齋蕉飲登慈仁寺毘盧閣

問居當重九淒若病葉零稍思謝塵勞偶來叩禪扃升高展
遠眺傑閣起亭亭游氛斂已無豁達天宇青飄風颯然至響
戛殿角鈴願此浮念遣恍惚逢仙靈

葱蘢春陽敷景物麗青皋奄忽被霜露側耳寒蛩號四運行
復周狂馳無乃勞不如一杯酒爲歡尋我曹泥塗未云卑嵩
華何必高方寸起滅間萬里爭秋毫

聞陳斐公爲余料理山莊竹木兼完屋舍晚歲思歸慨
然有作

病夫思負暄南榮日屢曝心閑萬想滅所苦歸不速忽傳山
中書似與清景逐山中亦何有架茆幾間屋往時賢使君

兩浙輶軒錄

卷十

湯不

三

明副使包掛冠此卜築百年閱興廢高岸移深谷只今摧翳
公所營餘舊觀已難復但餘潺潺水屈曲繞林麓山寺爭橫雲雲表
峙綠玉樓中一騁望蒼翠紛滿目我歸定何日佳處夢已熟
譬如長饑人說食甘於肉平生尊鱸興念豈有令僕二頃不
願餘山資底須足

遙憶飛來孤天竺割一峰吾廬在其下面而青芙蓉昔有古
先生知此山所從藏舟在巨壑夜半無聞蹤安知鷲嶺西他
日不再逢巖巒含窈窕落日風在松幽禽怪毛羽下寫澄潭
容靈隱古招提山門煙翠重時放出林梵或聞亭午鐘禪誦
課六時吾老性亦慵但於斗室內虛白生心胸洞中呼老猿
石門蒼蘚封時來理公巖喚起泓下龍山地多磽确負耒謝
老農桑箔伺眠齏隙地十餘畝皆種桑薄縣衣可縫雜種桃李梅花時

谷丰葺最愛萬竿碧翠色無春冬草堂作記人興已如酒濃
先人有幽宮去此只尺地經營得數椽亦爲敦祀事霜露以
時零松栢手勤植龐公歲上塚斑白偕童稚壺觴逮餽餘屢
舞鼕鼕醉茲堂聚同姓歡會連信次聽泉過野亭飯僧入山
寺昔者先大夫丙舍接埏埴劫灰三紀餘古木沉寒吹攀號
每念此竊祿偶然遂承家有遺書鑿楹付來嗣中間一木石
未可輕棄置法公釋門舊法微長老數遣侍者鋤理荒廢飛錫再三至鉢底
咒老龍時時出護視柴荆且茗飲後約或不愧惟當治尺宅
勿使風雨翠

低頭拜東野退之昔曾云常恨不相從所願身如雲雲龍相
追逐我竊舉似君憶昔臭味初氣挹秋蘭芬蕭然出埃壒學
道亦已勤手披楞伽字口誦貝多文自從墮地來寧識羶與

輩周妻未爲累大布自裹裙白晳好兒郎秀穎漸有聞吾家
老禪伯家兄悅巾謝俗氛時時從子游初地收放紛念昔三
人居亦足開其羣秋吟山月皎春榻庭草薰少壯能幾時白
髮不可耘我衰又多病如何離鄉枌並隣墟曲中雖貧心所
欣寸田養黃芽不救野火焚期君得靈藥庾其刀圭分

須水店壁有題句云風滿山頭月滿城坐深衣袂覺秋
生何人解識吟蛩語此是江南露下聲後二語絕妙
不知誰作也依韻一首

遙知木葉下秋城七字吟來太瘦生最是水天涼月夜人間
惆悵子絃聲

洪汲道中與毛展再晤

哀怨猶傳水上聲驛門花事十年情太行山下東風路頭白

重來並馬行

醫巫閭山

虞封十二山醫巫閭鎮幽一重復一掩秀色橫九州元化始
煦嫗神功繼雕鏤巨靈右踏足斷鼇左昂頭百里盡東驚天
際穿雲紉一一青蓮花萬手摹不畱其下作巨鎮祠廟歲增
修內府出金錢寶翰蟠銀鈎焜耀萬萬古豐碑樹崇邱秩禮
視三公圭幣薦百羞五風而十雨有禱神必酬登望義州北
邊陲昔虔劉長劒斬封豕壯士脫兜鍪于今隸王官婦子樂
鋤耰時載十圍木出市布與裘夫犁弔舊營懷古風颼颼移
屯耿校尉無慮搃其喉萬帳請受降兵氣如連牛餘威震東
部弩矢貢挹婁前臨望海堂指顧發一漚閭浮百億界小水
笑麟洲昔者東丹王校獵來清秋忽慕吳太伯舉帆越之罘

隨身千卷書美人同綵舟丹青入圖畫秘府多藏收洛城血
坡陀歸魂招得不猶聞影殿在歲久不可求前年地忽拆遺
蹤出山陬朱門森陰沈髣髴垂前旒牧豎不敢入風雨聲啾
啾昨日楊縣尹始掩土一抔我欲鐫之石大書立道周驅車
涼風節青巖雲木稠上尋瀑布泉下訪潛龍湫風與禽慶期
願接盧敖游行當見白鹿夾我巖前輶人生知幾何悠悠復
悠悠遙從五岳外高視滄溟流

重過萬柳堂

小紅橋上立移時四十年來再到遲一片蒼葭迷野水幾行
疎柳帶荒祠笙歌不記回燈舫魚鳥誰能認鬢絲剩有懷人
惆悵意春明舊夢省郎詩

送翁聿修大令南歸兼寄尊甫蘿軒同年

酒香臘甕歲方徂去且登仙子甚都鳧寫春來仍入洛尊羹
秋後毋思吳四山迴合雲藏寺一葦空濛雪滿湖寄語蘿軒
老居士不妨潑墨畫成圖

翁嵩年

字康伯號蘿軒仁和人康熙戊辰進士歷官

杭州府志文苑傳嵩年督學廣東著白雲山房詩十卷

在海外徵生童附雷州考試嵩年曰吾豈以一人易千

萬人命乎竟渡

海後著為令周慶承曰蘿軒先生分校庚辰禮闈故相國張廷玉尚
書勵延儀告分校時所得士也尋視學粵東講明經術
振作士風奉母夫人喪盡禮營窆即
結廬西湖號白雲山房於此終老焉

光孝寺贈棕笠賦詩

已辦歸耕江上田乞余一笠度平川黃花滿徑穿雲去白雪
漫山戴玉還行脚掛瓢無不可道裴儒服亦天然相看拄杖
乘風健老覺登臨興自便

癸未春正月按試瓊州渡海波平如鏡至中流有蝴蝶
數十旋遶斗柄舟子以爲神所助也試畢抵雷祭於
海神有只問寸心無愧怍不知瀛海有風波一聯懸
於廟中今已十九年矣始作此圖歌以紀之

擁節乘傳橫雙旌天容海色何澄清鼓浪浮波出輕快中央
蕩楫水泠泠四圍山色望不見鳥雀無聲歸杳冥忽有蜩蝶
翩翩下旋轉斗柄欣相迎矯如疎星渡霄漢捷如飛鷁搖滄
溟青黃紅紫間黑白五色璀璨光熒熒來去無端莫測識舟
子具道神所聽此言恟恟不可信書生章句守一經但知此
身同幻泡不與世俗同醉醒莊周之夢聊復爾蠢動寧息舍
精靈迴舟急移羅浮棹裝束大繭歸南屏春來湖上花正好紙
帳奕奕飛疎櫓縱之使去若雲錦遠颺山海空浮萍縹緲變

化無終極何况人問影與形

龔翔麟字天石號衛圃仁和人康熙辛酉副貢官工部

杭州府志文苑傳翔麟當官有幹實居臺中號政言尤

以文學名著田居詩稿出入六季三唐歸宿於眉山蘇

氏自少即與秀水朱彝尊李良年李符平

湖沈吟日沈岸登齊麟有浙西六家詞

沈名蓀撰傳畧日翔麟所著詩詞台十二卷詞

以石帚為宗旁及梅溪玉田蛻岩諸家之體

碧溪詩話衛圃先生初居武林門內田家灣故自號曰

田居其後得橫河沈氏之居謂之玉玲瓏山館所著田

居詩稿十卷子僅見汪氏振綺堂有藏本近從朱青湖

案頭得田居詩續三卷鈔本末有一版乃乾隆癸未所

題不著姓氏青湖云此册得之陳無軒學博無軒又

得之守愚明經而未詳其姓錄畢以原本歸無軒

秋夜不寐懷故鄉和耕客韻

平生踪跡故園稀雨欵橫河白竹扉魚市酒坊都不少山花

岸柳已全非最憐伏雨辭菱港又在江城換葛衣促織聲中

雨浙輟軒錄

卷十

龔翔麟

三

集家兄石坪齋

聽雨樓仍在聯牀弟又來三年鄉信杳一笑旅愁開裙屐燈前滿霜華鬢裏催紛紛小兒女爭勸掌中杯

立夏前五日同官集沈樂存侍御來雨軒花下

別開小徑愛西賓酒釀茶香卷軸陳眼底果然無俗物尊前難得盡詩人須判花下今宵醉只憐天邇五日春堅坐莫愁歸路晚六街明月爛如銀

宿聯峰僧院

中竺巋然南竺滅千年別構遺聯峰煙霞取徑費登陟翁山線路便支筇衙衙排石作籬壁翻疑天巧爲人工當門一樹更奇絕橫穿石腹摩穹窿藤梁青壁狀各異玲瓏岩石居當中江左名流陳醇菴思李長題憑漫莓苔封芒鞋竹杖我

來晚風流歇絕成孤蹤夕陽欲落未肯落蒼煙薄靄聞疎鐘
四山萬綠漸掩映殿角一株搖冷紅脫巾踞石正飽看打頭
細雨來囊松亟歸小閣下簾坐佛燈暎晃鑪煙濃老僧供客
十月白酒鯨波對卷千盃空陰晴未卜朝所嚮今宵且覓王
無功彌勒同龕萬念寂南柯蟻子且橫縱

次韻臨平道中禊日逢寒食

久矣青鞋倦遠探無端江北忽江南歸程剛到半山半春事
恰逢三月三細雨斜風作寒食流觴曲水侈空談感時不覺
吾衰甚詩力前人較未堪

金墩五松歌

金峰之下三家村村前有阜名金墩千年一寶鮮崩蝕五松
於此蟠靈根相傳植自李唐代閱幾劫火巋然存中間神物

煩攜呵待我摩挲畱爪痕一松兀傲四松拱儼如列辟朝至
尊又若老翁植杖立駢羅夾侍皆兒孫蕭森肅穆起人敬之
而鱗鬣烏足論悠悠者多不解事太息棄置荒郊原不見大
庾嶺下開道松連陰十里摩朝暾近訪土人已莫識但云曠
野榛蕪繁又不見棲霞寺前引路松六朝畱影搖風旛脫斧
斤危迺霹靂一旦跡掃空王門就我所見識其大慈仁雙樹
非比倫此松幸得生此地天荒地老全精魂吁嗟生物之理
固爾耳樹猶如此人何言耳目不得愛憎絕乃得長私雨露
恩

寫山樓詩爲顧生隅東賦

萬竿修竹掩重關消領清風白晝閒不信閒人有忙事
盡斜纔了畫春山

比肩人謫自蓬壺能寫徐熙沒骨圖未許于思誇絕技綺窗
拋却繡工夫

九月泛舟大明湖登北極臺歷下亭

參差百雉俯晴洲捨筏來尋最上頭蘆葦作圖分占水鵲華
湧翠正當樓黃花羞插雙蓬鬢白鳥能牽一釣舟老去心情
似垂柳偏於搖落送風流

名流勝地偶然經巨壑雲莊問杳冥獨客栖栖拋殘碣斜陽
閃閃戀空亭一奩淨滌西風錦十里橫鋪水墨屏可有白衣
能送酒綠尊相對眼尤青

棲霞寺中野牡丹綠葉紅葩綴花若芙蓉而小山僧云
花不結子分根亦不活惟葉上雨露風所飄墮處卽
聚生自五月着花秋中方歇予異之而嫌其名之勿

雅也易之曰天雨花而系以詩

分形藹蒼細已甚比色珊瑚紅更柔不共三春鬪妖冶偏能
百日逞風流生成雨露天然種解脫塵根物外求定是拈花
微笑後一時散落到闍浮

查

昇字仲韋一云字漢中又字聲山海寧人康熙戊辰進士改庶吉士授編修累官至少詹事著澹遠堂

集

內浙江通志查昇官編修直隸

書法片格俊

字人爭寶貴

奕親瑣談海寧查少詹仲韋飲陳樸菴席上賦牡丹云

置身富貴何須早到眼雲霞覺俗明時推擅場牡丹川

富貴字本常語少詹

不著色相自得風流

俞寶華曰查昇授編修知

起居江入侍

賜第西華門諭德陞少詹事
御題其堂曰澹遠齋遇疾

上以賜第不吉改
賜厚載門外疾旋愈積勞復劇卒于官

陳文樸菴招賞牡丹同人卽席分賦得明字

金谷何如蜀錦城放翁舊譜閱天彭置身富貴何須早到眼
雲霞覺倍明丁字簾前團蝶翅午時晝裏驗貓睛風流共憶
清平調合座春光醉玉罍

題 賜金園圖四首

拜

賜恩無兩經營記昔年園因名始重圖與事俱傳綠野應相
似桃源望宛然不煩人位置天與設山川

閣以凌虛敞門因逐徑斜鎖開金屈戌簾捲玉鴉叉倚檻風
誇柳憑闌雨臥花最閒宜眺望時聽水田蛙

靜裏泉聲續閒來竹韻長鏡清魚避影桐翠鳥爭涼荷葉齊

過岸藤花不見牆他年歸隱處指點舊樅陽

山氣常看溼嵐光近却無斜陽牛背笛細荇雨中鳬地愛如

棋野身難乞鏡湖春風三島路且展臥遊圖

題賈可齋白荷花

菱歌何處泛仙槎森森湘波一望賒風露洗天涼似水難尋
是月是荷花

天台道上

時過方邨

海門山逐大江隈玉闕瓊樓次第開山氣橫空當面起江聲
一線逼雲來清秋風月生蘆荻千古英雄出草萊福地豈知
行客到沉吟我欲賦天台

范光陽

字國安一字筆山鄞人康熙戊辰會試第一官至延平知府著雙雲堂集

詩音舊傳先生不欲以文名然黎洲甚稱之詩亦淡雅間涉道學語不墮橫浦倚頌一派

袁鈞曰范光陽登進士選庶吉士改戶部主事協兵部
郎中出知延平府承檄治沙縣飢民行劫事捕繫者百
餘人擬杖斃爲首一人餘縱遣之大吏改令巡道覆獄
將盡置之死光陽力言無死法卒從末減在職七年禁
革火耗罷一切無名之徵以疾乞歸
光陽學於黃宗義與慈溪鄭梁齊名

送鄭禹梅歸慈谿

與君終日親相忘君是客歲晚歸心生始覺鄉縣隔浩然起
歡歌日月亦已迫踟躕歧路間握手胡能釋同人挈清尊下
車叙離別丈夫四海志何事傷偏側余亦落魄人不解長太
息萬物各有時羣生任所適霜雪侵崇蘭幽姿忽復抑春風
發馨香谿壑回顏色乃知倚伏間此理寧有極行矣慎勿憂
遲暮保貞德

懷西郊草堂柬張天因

昔我居草堂朋舊晨夕晤今我去草堂惻惻誰與訴憶同風

雨尊亦或攜手步物聚理必散跡疎意轉慕歎息區區心乃
爲飢寒誤城闔望草堂蒼茫隔雲霧

見太白山雲起須臾雨至

山雲忽作雨遠道餉孤城猶帶石林氣但無松澗聲愁心如
一浣病骨若爲輕晚聽閒堦下涼催蟋蟀鳴

卽事

近傳計吏績殊倫六月完租事轉新豈有陽城甘下考誰爲
鄭俠訴流民江鄉半歲雙逢旱海國中宵尙有燐甘載東南
兵燹後黍苗陰雨是何人

鄭

梁

字禹梅一字寒村慈谿人康熙戊辰
進士官至高州知府著寒村詩文選

浙江通志鄭梁嘗學於黃宗羲開載山劉先生緒論寓
意於藝文詩類江門定山文近震川宗義亟稱之復善
書法臨里旋得未疾右體不隨遂以左筆
墨繁如平時跌宕又史人目爲仙吏云

梁同書跋朱檢討贈詩墨蹟曰往讀曝書亭集有贈高
州守鄭寒村先生詩曰高涼太守鬢成絲病後偏多絕
妙辭某壯老人全硬語龍門榮木半枯枝後來領袖歸
才子左手雲煙勝畫師別久重逢轉傾倒七言三復曠
行詩原注云才子謂公子義門也太守詩野水無橋驢
馬渡曉星如月照人行賦景最工按高州工詩多藝能
固不藉檢討始顯然得檢討詩而名益彰乾隆乙卯秋
高州元孫勳書常出檢討贈詩墨蹟見示二老交情宛
乎紙上百年之久
猶想見前輩風流
定香亭筆談鄭太守梁以曉行詩得名朱竹垞檢討嘗
贈以詩元孫簡香勳以墨迹示余余和之有云別擬建
堂尊二老竹垞經義曉行詩簡香因建堂祀兩先生余
為書二老堂額秦小峴觀察為文記之簡香又畫二老
重逢圖取竹垞別久
重逢轉傾倒詩意
南野堂筆記慈谿鄭禹梅太守移居詩云移居依綠樹
閉戶有鳴禽早發沐陽云淺水無橋牽馬渡曉星如月
照人行不寐云貧劇且須忘此後老來
不敢憶從前此善於寫景達情者也

磬陽早行

月光半入夜人影欲登天馬疾霜聲脆車單火力慳沙冰依

酒結店突閉門然羨殺荒村裏雞啼正穩眠

留別同志諸子

故人朝夕好相過其柰殘冬歸興何會面亦知新歲近離愁
似比舊年多寒風小棹初維岸斜日流嘶忽渡河此去江邨
三十里幸乘春酒問煙蘿

不寐

貧劇且須忘此後老來不敢憶從前已拚栩栩終年夢誰料
惺惺一夜眠花影紙窗更盡月蟲聲草榻曉涼天就中譜得
人生味翻覺愁多亦泰然

移寓香爐營

半載遊妨業三春病廢吟移居依綠樹閉戶有鳴禽詩興風
花亂棋聲午夢深案頭堆客刺懶散不關心

初三日早發沭陽

立春早起沭陽城，衾薄空輿夢不成。淺水無橋牽馬渡，曉星

如月照人行。

秋夜不寐作

落落吾生分寡徒，老來七尺一牀枯。秋涼籠響哥哥子，

京師呼秋

輩為哥

雨濕燈昏拉拉姑。

螻蛄喜偷燈火，客中呼拉拉姑。

客久難歸連夢少，

愁多成疾并詩無。百年也聽荒唐去，只惜門閭倚望孤。

許

田

字萃野，一名田字，田父一字改郵，別號青藤，錢塘人。康熙癸未進士，官高縣知縣，著亦快閣出，置詩

集及雷槎雙松勸駕知津等集

碧谿詩話：許萃野詩，北海曹貞吉序，謂原本少陵而依

助之以眉山劍南毛際可謂其詩澹然以掣蒼然以幽

淵然以秀雖寂寥短章而若有漢魏六朝初盛中晚之

氣縈拂楮墨吳陳炎則云萃野少以能文有聲諸生間

與兄霜巖齊名號大小許黃百家謂霜巖萃野才名素

著西冷二許俊逸絕倫魏麟徵謂其詩從世故物變磨

許

田

礪而出面澄汰益精新治荆稱
其詩冲澹如餐諫果得味於回

睡起

習嬾耽閑百不任三竿日上始披襟不虞俗物敗人意安望
市兒知我心讀過卽忘慚強記拈來却含笑孤吟黃花冷淡
堪相對折取殘枝短髮簪

除夕同家兄笑菴游定水壽春諸蘭若

十笏幽房結構新祓除庭戶悄無塵休將踞石尋詩客認作
登臺避債人撫樹肯忘三宿地看山難得兩間身明年又各
東西去記折寒花報早春

小港阻風守歲用元遺山汴梁守歲韻

沙岸叢祠晚送鐘羈人情事類衰翁江心水立千層白篷底
燈明四面紅村酒同傾須盡醉裝詩滿貯豈嫌窮一言須向

天公道爲我收回船艣風

查慎行

初名嗣璉字夏重後更今名字悔餘晚號初白老

內廷癸未成進士授編修著敬業堂集五十

卷周府志文苑傳查慎行世居海寧袁化鎮初舉鄉試

南

書房及成進士授編修供奉七年告歸性穎異五歲能

詩十歲作武侯論同邑范曄稱爲曠世才既長游黃宗

本

朝名編年補注乾乾名三十三十年學有本根斷斷自愛

平癖好唯詩及山水友朋其於進取榮利之途泊如也

少爲諸生卽杖策從軍出入群剗夜郎之境以及齊魯

燕趙梁宋之區驛壁郵亭揮酒始遍又嘗渡彭蠡過洞

庭登匡廬五老之峯探武夷九曲之勝尋無諸之故墟

特達之知訪周忙之遺蹟江山神助詩益富而奇尋受

西巡者盛歌賦駭日悉於五言發之每奏一篇

上未嘗不動色咨嗟稱善者再傾常懷引退志年未及懸車
已賦送初家食二十餘年強歌自適忽遭門戶之難全
兩折脣肝錄卷十查慎行

世宗

家赴詔獄而先生坐家長失教罪且不測

蓮坡詩話老人有花朝晴示僧道楷詩云初日樓雲碎

作霞詩春人競出江涯老來不喜閒桃李別約山僧看

葉花此與魏野所作城裏爭看城外花獨來城裏訪僧

家殷勤覓得新鑪火為我旋烹嶽麓茶意相和又有句

云雪飄燈事閑睡後春到梅花淺淡間與查蒲庭

烏得石無雙下鄰犬驚人到一喧皆可以參禪意

沈德潛曰施注蘇詩行世久矣敬業補所未及兼多駁

正所為詩得方於蘇意無弗申辭無弗達或以少蘊藉

議之然觀外強中乾襲面日而失神理者固孰得

而孰失也惟學之者弗更揚其波斯為善學者耳

劉復燕曰初白早年行役足跡半天下問歷山川之勝

多見於詩敬業堂篇什之富與帶經堂相埒才華魄力

足與阮亭代興年將六十始以孝廉

名入內廷供奉遂登甲第入翰林通籍後詩格稍變矣

袖堂筆談初自老人中山尼篇為宋荔裳先生女作也

蓋蜀亂之時有賊將逼取之攜入演賊將死遂為尼然

先生之女實不遭辱時有侍女挺身代之其詳

濟南教授萊陽周君守一字季伊言之甚詳

魏塘詩話海寧查編修夏重慎行在翰苑日

幸海子捕魚落句云盤盤黃袂平生夢臣本朔波一釣

聖祖

臣賦詩編修

徒詞意稱

言忽奉內侍召招波釣徒查翰林益同時有聲山學士故以詩別之此與唐韓翃春城無處不飛花可同作玉堂佳

話也

留別仲弟德尹

雞聲驚起對牀眠纔說江關便黯然與爾未曾經遠別得歸難定是何年渡江風物悲元亮懷土人情感仲宣瓦屋三間門兩版頻頻爲我掃東偏

夜觀燒山和中丞公韻

寒空月黑燄初熏照夜俄生萬嶺雲赤幟千人爭趙壁火牛百道走燕軍危時莫以烽爲戲我意方憂玉亦焚不信劫灰吹得盡草間狐兔尙成羣

沅江縣瀕湖居民皆漁戶水盛時舉家乘舟入湖秋冬水縮則結茅沿岸住

官舍無城傍水濱。鷓鴣鴨半居民疎。燈幾點。夜呼渡。老屋
百家秋。結鄰岸。曲蘆深。長響雨。船頭魚健欲驚人。饒他小縣
輸魚課。賦斂湘湖倍久貧。

中秋夜洞庭對月歌

長風飄雲莽千里。雲氣蓬蓬天冒水。風收雲散波乍平。倒轉
青天作湖底。初看落日沉波紅。素月欲升天斂容。舟人回首
盡東望。吞吐故在馮夷宮。須臾忽自波心上。鏡面橫開十餘
丈。月光浸水水浸天。一派空明互迴盪。此時驪龍潛最深。目
炫不得銜珠吟。巨魚無知作騰蹕。鱗甲一動千黃金。人間此
境知難必。快意翻從偶然得。遙聞漁父唱歌來。始覺中秋是
今夕。

雨過桐廬

江勢西來灣復灣乍驚風物異鄉關
百家小聚還成縣三面無城却倚山
帆影依依風葉外灘聲汨汨碓牀間
雨蓑烟笠嚴陵近慚愧清流照客顏

冬日張園雅集同姜西溟彭叔高顧九堇惠研谿錢玉友魏禹平蔣聿修王孟穀張漢瞻汪寓昭陳叔毅湯西崖馮文子談震方家荊州聲山限韻

丈夫置身非廟廊便合食力勤耕桑
誰教鹵莽走京洛去住兩策無一長
天公似憐太坎壈一事獨許平生償
招呼朋友作痛飲逸足快脫籠頭韁
城南小莊如畫裏樹頭一扇風旗張
忽從空曠入叢薄積雪寒峭屏山傍
籬根涸池受落葉窗面破紙穿斜陽
圍爐坐密氣漸煖稍覺冬律回春光
大杵蒸菜菔薑辣滿甕印酒開泥香
葡萄已充筵上果但見枯蔓牽

降牆初拈險韻關傑句旋徵雅令搜枯腸須臾耳熱更豪劇
角微雨雨爭低昂旁人却問何所樂我亦自笑狂夫狂三年
隻身走萬里絲路裊裊衝蠻鄉豈無釣藤蠻中酒名拈獨酌意緒
冷淡難禁當翻身勇決作歸計又被飢餓驅游喪別人騎馬
我徒步鍛羽無分追高翔行藏眼底但如許有意排遣終悲
涼風流見賞古不乏跌宕慎勿矜辭章明朝定傳好事口指
點此地成歡場安知酒徒積放意不欲與世衡鋒鋌城頭鴉
啼客盡散獨立四顧神蒼茫

喜德尹至都卽用道中見寄韻

別是尋常會却奇鵲鴿沙外影離離可憐半世爲兄弟兩度
相逢在路岐

醒觴消夏分賦涼篷

平鋪一面席高出四邊牆雨似停船聽風宜露頂涼片陰停
卓午返景入斜陽轉憶臨溪宅松毛透屋香

月下渡揚子江次西溟韻

妙高峯下晚鐘撞隔岸吳船正發幫風露一天人擁被櫓枝
搖夢過春江

開先寺

半橋曲磴氣森森門鎖空堂晝轉深鳴榔葉黃僧罷掃麝囊
花紫客來尋諸峯瀉瀑層層見萬木聞蟬步步陰可惜不容
吾借榻山南第一好禪林

敝裘

冷煖相關老倍知黑貂何必勝羊皮畱同敝袴非無用好比
緇衣或改爲取醉難償村店值有人還當釣蓑披家貧舊物

無多在不忍吹毛更索疵

秋感

末俗愛盆山花草配紅白試看耳目玩屈辱到松柏可憐千
丈材窘束不盈尺寓形難自主抱性終莫易亦復耐歲寒蒼
然傍几席對之還失笑未覺生意窄向非冰雪姿雨露有夭
折

渡淮橘成枳一變性終失不聞返故土枳又化爲橘人生百
年中孰是保初質就衰水赴壑駐景戈挽日幾見白頭翁鬢
霜復如漆

梅雨初晴

江如下濕生蒼苔三句苦雨經黃梅水田萬蛤夜羣吠林巷
一蟬晴忽來曬書亭前日淡淡打麥場上風飄飄鄰家作苦

一相勞耘鼓正報槐花開

觀无忌與祖騎驢戲作短歌

兒童生長便舟居眼中不辨驟與驢牽來信口以馬呼上下
左右須人扶一日駸駸防不虞兩日妥帖稍自如三日脫轡
膽氣籠趨捷意將誇老夫老夫年當三十餘從軍遠走西南
隅露青竹鞭生馬駒徑度鳥道如莊衢豈知今來衰病俱髀
肉消盡將無盾前瞻後顧悔識塗曷不歸去勤耕鋤看牛祇
犢雞哺雛平生不識馬新息據鞍嬰鑠何其愚

連日

恩賜鮮魚恭紀

銀鬣金鱗照坐隅烹鮮連日

賜行厨感踰學士蓬池鮓味壓詩人丙穴腴素食餘慚畱七

兩浙輟軒錄

卷十

查慎行

畢

箸加餐遺信慰江湖笠簷蓑袂平生夢臣本烟波一釣徒

大雨過玉竦橋

雨聲衝破影中天百尺長虹萬頃烟鷗鷺不爭車馬道自遮
荷蓋領雛眠

迎風上灘歌

船頭喜銳不喜方竹篙用短不用長上灘取迫不取順出險
在閒不在忙老夫昏昏逢底坐靜聽兩旁風雨過深慚作力
役多人成就垂綬一游情

雨過放舟夾山漾

過盡迴溪十里長孤城回首漸微茫風腥曉氣魚蝦餅水減
秋痕雁鷺鄉菱蔓欲牽絲已脆荷花雖敗葉猶香船頭忽指
前遊處白塔紅亭認道場

間口觀罾魚者

陂河一綫才如溝，戢魚聚針千頭。其中巨者長二寸，領隊已足稱豪酋。爾生亦覺太局促，漂漚散沫沈復浮。不知世有江海濶，長養何異蒙拘囚。居民活計乃在此，勞不撤網逸不鉤。竹竿網罾密作眼，駕以一葉無蓬舟。朝來暮去尋丈內，細細粘取銀花稠。庖厨却緣項碎棄，曝向風日乾。初收微腥但供飼，甕用性命肯爲纖毫留。吾聞王政雖無澤，梁禁鯢鮪尙有滂池遊。人窮微物必盡取，此事隱繫蒼生憂。一錢亦徵入市稅，津吏往往多窮搜。

次谷兄自粵西扶先伯父櫬歸里

萬里行何畏，歸來始泣然。亂離成子孝，危苦得天憐。淚盡干戈外，魂驚瘴癘邊。路難經死地，初不計生還。

自古蒼梧道征人半昇棺猶猛啼赤子父老賄清官竟返天
南魄翻疑夢裏看附書吾久望執手雜悲歡

題桐城王方日所刻亡友蔣度臣詩集

不是無家奈別離蓋棺事了始歸期半生好客皆情累一第
成名亦數奇篋底有金貧肯惜人間無路老方知最憐湖海
元龍氣收拾光芒入小詩

迴思腹痛平生語謬託知音撫絕絃長恐雲烟隨變滅忽驚
珠玉已流傳九原可作應相慰同調無多又自憐不覺餘哀
生感激爲君展卷一潸然

劉正

字戒謀山陰貢生著

卷

陳元龍宛委山人詩集序
盛以老明經標幟詩壇四十年來前輩交口相推後生
奉爲祭酒雖數奇而詩
名之盛必傳於後無疑

田易宛委山人詩集序畧曰戒謫足不出吳越官斯土者郡守丞下必邀相見為酬倡交四方勝流名士探奇至越亦無不詣戒謫廬通款曲販夫牧豎見戒謫能指之曰是才子也昨有客從江南來謂琴川麗人張某得戒謫詩愛不釋手稱為詩

瘦生名滿香閣亦異矣詩越風先生早負詩名其派別得自西崑而出入於荆山放翁間朱竹垞毛西河梁藥亭諸先輩俱交且推許琴川閑秀張蘭芬曾手錄先生詩定為課程曰必吟誦數十首上元汪崔田贈先生詩有云太史賞音傳荔浦美人低唱隔琴川蓋紀實也生平多隱德韞玉未售而卒墓在龍山後為西岡舊地與詩巢鄰近其嗣君柳村達夫相亭與余同

西園十子會兒亭詩話錫湖旁向有屋數椽名詩巢奉祀前代詩人賀季真泰公緒方雄飛陸放翁楊廉夫徐文長六人康熙間鄭先輩於巢中結社賦詩者十人商和何嘉珩錢為蕭徐之熾厲煌朱悅仁王佐齡田易魯國書其一即戒謫也雍正間復益以十人今巢廢移季真等祀於張山為詩社者亦寥寥矣

古鏡篇

一規如水寒無波盤龍半蝕歲月多秦欺漢欺非近代美人

妝閣曾摩挲翠暈紅凝渾不改背而時時露光彩誰將繡纈
覆香奩乍掩月輪雲靄翹當年鑄此真良工晶瑩不受纖塵
蒙窺殘笑靨珠簾下照遍愁容永巷中古時銅片今時寶花
映清輝洞房曉殷勤傳語綠牕人莫遣朱顏暗中老

春燈

一尺蘭缸綴玉蟲憐春謝豹咽東風夜闌怕聽瀟瀟雨留照
梨花小閣中

鑑湖竹枝詞

儂家湖東郎岬西門前綠樹栖黃鸝自從隔歲不相見飛去
黃鸝鳥夜啼
邀郎夜夜摘船行歷歷春星照水明箕好風來畢好雨阿儂
只是愛長晴

徐夫人 昭華 於令名居見余題壁句賦詩見贈次韻奉

答

紛紛詞客越江濱墮馬愁眉粧闕新柳絮飄零燕子散談詩

還有謝夫人

原云青玉案頭有士女學書不拜衛夫人

紗帳論詩記昔年吟成畫蝶似花鮮朱庭二女家三妹也料

無人得擅前

原云多少詩家誰第一應無人在卯金前

登泰望山恭步先中丞菰山曾伯祖韻

曉望平林宿霧開崎嶇隻影入蒿萊烟雲盡向衣邊散巖壑
都從屐底回千仞何人能屨上百年今日記曾來松濤多處
空山寺遠見荆扉帶月推

寒食讌集蓬萊閣卽席限韻分賦

千疊晴巒秀可餐庾公載酒任疎頑繁花紅映重重樹綺席

雨折隨軒綠

卷十

劉正道

五

青圍面面山冷節忽因人意熱叢愁盡爲酒杯刪身前曾否
親香案也厠蓬萊仙吏間

赴飲飢甚戲書

昂昂長鬚奴折柬召賓客辭酒如辭徵三五回不獲心知食
指搖會見蠶腸闢主人有貴賓矜嚴滯裙屐過午赤日斜眼
穿望歎伯團團如磨蟻宛轉花前席飢餓向主人撫肩笑啞
啞臣朝飢欲死肯否謀別策

過傳是齋憶徐徵君 咸清

哲人一逝十年餘花影離離艷草蘆紫殿衡才人薦鶚青山
葬骨客鳴驢風流邈矣徒懷昔手澤依然欲慟余所幸身亾
如不死有能善讀父遺書

憶昔時披董子帷較書論史輒相隨三年筆授中郎祕 先生授余

十載琴舍大令悲蕉葉捲風聲淅淅柳絲縮月影垂垂
齋間景物箱間句盡是先生墮淚碑

菜花歌

燕雛學舞風光舊鼠姑落瓣繁紅瘦東阡西陌盈菜花黃雲
一片溝塍覆細苞含露開高低翠莖如墨搖東西顧山帶
影迷日沾裙染屐香盈蹊不識菜根真滋味菜花實有幽人
致羞隨桃李爭艷陽獨燬殘春了春事我酣濁酒對花歌年
年種汝身蹉跎腰鑣荷鋤事如此英雄欲老當奈何

陳芝圖

原名法乾字崑谷號月泉
諸暨諸生著秋暉樓集

越風月泉為老蓮族係工書畫有聲庠序少遊兩粵後
遊燕趙吳楚閩豫歷十餘年詩滿行篋品格益道上古
體直入昌黎長吉門庭
近體亦不在大歷以下
孫度日月泉與童二樹劉鳳岡合刻
越中三子詩時有盧前王後之論

省楓溪故居

惘惘三十餘絮亂蓬花墜一枝聊足棲身外復何計感傷入
中年便有無窮事還思百年身消我幾多淚人情既遷蒼景
物亦衰悴淒涼八月中秋風如許厲開我竹間樓啟我牀前
筍蠹粉落承塵蛛網懸梁櫪朽蝕無完書毀剝無完器譬彼
長暮人愛好忽捐棄零落無人收慘淡風烟際嗟予承先澤
薄業未全廢流離乃至斯事固莫之致寂寞倚瑯檻忽忽隘
天地

日鑄茶歌

越山東來山輪囷連延委屬如崩雲層巖合沓孕元氣剛風
不到長氤氳露芽春早茁青玉細葉未舒香在腹採取頭綱
點雪甌玉乳初融泛輕綠杜鵑啼處山蒼蒼山家踏霧爭春

香嬌嬰十五提筐語隴頭生怕飛梅雨紅藤礙路不妨行掠
髣髴入山去山中格格聞嬌鳥心識陌頭踏春好却憐芳
意不多時明日將同道旁草

蠻刀歌

官軍大破容州賊轅門夜半鐃歌入虎頭上將氣色豪解鞍
贈我蠻中刀蠻藤織匣織如毛蠻金鏤飾瑩如膏書生學書
安用此爭言此刀勝豪曹霍然出匣天陰森滂滂鬼淚秋江
深欲舞不舞叩其鐃更闌起看愁予心丈夫志氣有所托不
用身世悲銷魂

洛陽

中州稱上賦沃野衍蒼茫山勢來全晉河聲入大梁樹連荒
驛晚沙捲朔雲黃原隰猶禾黍憑誰問井疆

戊夏發自桂林

棘竹枝長柳葉齊
蠻天霧雨黯淒迷
腥涎水滑蚺蛇浴
鐵色山昏狒狒啼
諸葛荒臺餘部叟
伏波遺廟滿蒿藜
南來是處風烟惡
重憶輕橈泛越溪

簡錢崙山表兄

瘴國窮栖真浪遊
佩蘭人自住汀洲
暑清蓮蕩書燈早
天白蘆灣水閣秋
鄭氏蟲魚資博採
葛仙方藥亦兼收
悽然記得湖頭日
紅燭吟殘正上樓

歸楓溪

烟樹淒迷認故家
粉垣頽處片籬遮
寒烏亂噪爭殘核
秋蝶孤飛戀小花
網戶無人經雨壞
綺窗不掩受風斜
祇餘舊日悲秋地
斷柳絲絲傍水涯

杏花燕子歌

天意酣春春晦昧衣裳卷起秦樓醉暖氣溫風衡杏開紅襟
翻舞花間來春叢未曉翠烟暝小嘴爭香粉片冷紗窗幽夢
驚呢喃犀簾閃落胭脂影罪罪葦綃動素烟牆外棠梨催紫
綿寄語元禽莫相擾昨日樓頭啼杜鵑

馮遵京

字配章錢唐
人舊補廬詩

陸增補廬詩序畧曰馮配章工於詩吳興臧介
子亦言其才介子爲風雅之宗知其不謬妄也

蘇堤行

江南景物春逾好揚鞭走馬西陵道十里湖光一片明兩山
樹色千重曉湖山窈窕起樓臺無數遊人倒玉杯紫燕自栖
還自舞黃鶯飛去復飛來鶯啼燕語交相續春光到處堪行
樂露下桃花爛漫紅風前楊柳參差綠綠楊影裏車麟麟二

月蘇堤多麗人香氣滿林融紫露遊絲百道亂紅塵紅塵紫
霧長堤口猶說風流蘇太守何處平橋泊畫船誰家阿閣飄
長袖與酣直上高峯六芳草連天天一色今日花開不盡歡
明朝花落空相憶春花春月總關情歲歲年年堤上行玉簫
吹罷人何處遙見香車入鳳城

雪晴登湖樓春望

春雪不封樹山光一半開鏡中看日月雲裏見樓臺素影明
窗牖餘寒到酒杯梅花應早發望遠思悠哉

晚泊

碧浪滾銀沙芳林散紫霞山城聚燈火澤國賤魚蝦月映藏
鴉柳春生賣酒家扁舟斜纜處一帶水紅花

春江第一樓

望中煙樹接桐江此日登臨逸興長四面青山送別浦一行
白鷺送歸航波搖落日樓臺靜春到高原草木蒼徒倚欲窮
千里目海門風雨正茫茫

馮武京

字重哲
錢唐人

雪後登青平山

乘無下澤車御無款段馬結廬南山陲春雪被原野寒雲沈
不飛哀泉凍難瀉層冰結重霰虛白生萬瓦貧家煙火無妻
孥淚盈把一身良可哀何由庇廣廈

贈沈大方舟

丈夫少不讀書老空悔那知懷瑾瑜爲罪捲起明湖千頃波
一洗胃中之磊塊羨爾新詩盈錦囊仙才敏捷不可當氣吞
大海蛟龍伏思入臂霄雷電揚眼前車馬徒赫奕飲酒食肉

酣朝夕衡門陋巷多貧儒狗盜雞鳴登上客我亦年來困賤
貧與君攜手倍相親君看市井多輕薄誰識淮陰落魄人

贈毛稚黃先生

先生高致許誰攀倚杖行吟白日閒得醉不妨還賣賦逃名
何必更焚山花前瘦石如仙骨雪裏青松照古顏終歲優游
何所事往來僧舍酒壚間

褚

彤

字己一仁和諸生
著寶復堂詩彙

以農祥寶復堂詩彙序畧曰弓一爲僕射後高能詩觀
其製作多豐碩就矩矱有自命作者意語知僕射有折
孫而真表
是頓矣

秋日偕徐峻田艮山曉步

出郭無多路微茫見小山水乾沙正白霜落樹先斑野鳥寒
仍浴柴門曉尚關莫言城市好終遜此林間

吳

錢唐人官泰安府

碧谿詩話吳君事跡無可考觀卷中寄舍弟詩知其由康熙戊午赴閩幕以平臺灣軍功議叙得泰安俸宦跡之可見者祇此其翠岱吟一編亦官泰安時所作

經石谷

幽谷盤路東中隱太古石石脚踏兩崖石面平如席廣袤踰十尋帖妥走連陌厥狀何荒怪無乃巨靈擘理膩質復堅上多蟲鳥跡倚杖剔古蘚洗濯差可識盡是貝多語八分徑一尺書體頗清硬李蔡古筆畫夫豈晉風流舊誌謬傳王右軍書或出老禪伯野狐夜持誦山魃晝翻譯所恨多脫落殘文似龜坼何人發宏願辛苦此磨勒惜哉名不傳千秋竟寥閨

奉檄轉餉入都西郊馬上口占

細雨疎更重別情郊原躍馬快新晴山雲爲送向燕去海雁

兩浙輶軒錄

卷十

褚彤吳樸

羣

還同出塞行作社農真驕富歲折腰吏自愧浮名隨身筆硯

渾閒事豈有閒襟賦北征

戴彥銘

字雪渠舊字百九又字聞山嘉興貢生官會稽教諭著雪渠小草聽鶯樓初稿燕遊詩越州詩存

金介復越州詩存序畧曰戴雪渠有聲於詩東髮好遊奔走南北境之所歷興之所至往往託之吟咏

將赴稽山留別故園諸子

江上征帆乍得收擔囊又向蠡城遊人生一嬾原難主世事
惟閒未易謀剡曲好尋安道宅山陰不負子猷舟小亭叢桂
秋初放捧檄何能得少留

二十年來南北身已甘終作硯田民梅花溪上稱詩癖鸚鵡
湖頭號酒人余家在東湖梅里之間無那饑驅拋擲子却緣薄俸膽慈

親計程東去原非遠越水吳山只比鄰

戴

鏌

字淑章號笑吟嘉興人彥銘從弟原貢生

戴堯臣曰先會祖與竹垞宋太史同時往來多名公聯
書葉暖翠浮烟閣讀書其中平生著述甚富惜盡燬於
火

並蒂蘭

珍重芳蘭翠幙遮枝頭綴處總堪誇此身已比孤生樹時有騎省
棹到眼偏愁並蒂花深院對擎銀鑒落曉奩初試玉丫叉漫
言百葉雙桃好未許紅雲鬪碧霞

哭朱西駿

長橋藥籠卧秋塍山氣銷磨暗拊膺寒士冬心貧不改高人
詩思病還增茂陵遺藁求何日中祕藏書校未曾蓋世文章
成底事直教飲盡淚三升

吳

曾

字周其歸
安諸生

陳焯曰因其先生工於屬對五言如忽聞鳴巧婦似解
笑憑公漸忘心上事自落手中書樹影元雲盡禽聲紅

兩折晴軒錄

卷十

戴彥銘載錢吳會

美

雪歌煨芋親丁女誅茆賦已公二紅抄夢飯三白瀉松
膠庭空風掃葉窗暗月移花鱗蚰多在戶蟋蟀漸依牀
風入紅泉縠雲屯碧樹昏陰霞杯內得鬢雪鏡中來詩
連偏喜索酒病不嫌多七言如是璋是鹿人休問呼馬
呼牛我總磨身隱已輪屠狗客性慳又薄牧猪奴牛醫
原屬乘龍婿燕子休期射鳥兒已知阮氏南輪北竊笑
施家東效西朋酒斟來無過那子蓋倚罷莫嫌辛炙妨
牛心同武子禪酒斟來無過那子蓋倚罷莫嫌辛炙妨
盡醉犯金吾南山說還藏豹東野須知已化龍不貪
雞肋寧爲日懶蹙蛾眉亦捧心使君漫許英雄共瑞子
空悲貧賤長交態悉依門外客文章不詔蔡中人思同
子夢非鳩婦解愛吾才只雁奴酒空北海令交絕詩近
西崑目色荒沽酒自慙稱小戶
賣文誰請賦長門皆新穎可誦

送愁詞

齋居寂寞憂從中來對此茫茫麾之不去古有送窮
之文意者愁魂其欲送乎因作送愁詞

罪罪雨雪歲云暮擁書兀坐愁城固望遠張衡漫詠詩登樓
王粲徒成賦握管長吟到夜分新詞聊當送愁文船縛草兮

車結柳三楫愁魂魂知否送愁魂在何許我欲送君之南浦
綠波碧草江之許我欲送君之北邙高原幽戶山之旁我欲
送君之東郭野店新醅任君酌我欲送君之西陵玉簫金管怡
君情念君與我周旋久臨行饞君一杯酒不然有酒自酌顏
自醺醉後高吟白雪歌仰天大笑清黃河愁兮愁兮奈我何

庚村

山市蒼煙裏高原一望賒羣峯當戶立亂礪就溪斜鳥覓雲
根樹人看谷口霞餘錢沾斗酒便擬醉爲家

子行九久羈東竺禪房余病瘧不得過訪適雨中來
借余書賦此以東

秋雨淒涼病不支故人何計慰相思難從蓮社成三笑敢惜
芳編犯二癡東竺逃禪君滯久西窗閒話我來遲治詩原屬

毛公事願咏花卿辟瘴詩

鄭

典

字子韶餘姚人著友陶居士詩集

朱文藻曰友陶居士詩一卷附刻雪杖山人集中山人爲居士孫猶山谷時翁兩集之遺意也

歸田感賦

行行歸故鄉依然舊城郭荒江渺難窮壯士望寂寞桃花雨
滿村鯉魚風亦惡艇子向何所若耶水初落地憐人事稀俯
仰成今昨

浮舟煙渚閒路入烏門境十里見柯橋空亭抱山影雨霽露
雲根樵風萃翠苻殘僧依破寺新集出寒井健足逐斜暉還
家樂餘景

寒食

旅舍仍佳節天涯有病身相逢多在客垂老易傷春堤柳含

風細山桃帶雨新家人煙屢斷不是感茲辰

野步

不在僧樓便釣磯老來閒蕩豈知非招邀風月紅藤杖安穩
煙霞白布衣失馬塞翁應是福狎鷗海客久忘機東河西埭
無拘著日日尋遊到暮歸

馮千英

字謬齋平湖人康熙丁丑進士官荔浦知縣著荔浦詩鈔

蒙川雜咏

溪漲波連百里餘蕭蕭蘆葉颭風初篙師爲報江聲急八月
官河好打魚

飽看層山矗矗尖白雲深處幾茅檐天教走盡盤根路苦到
窮途味自甜冬月有巡邊之舉累月始歸

蒙川竹枝詞

趁墟攸老醉顏酡包飯依然是綠荷日落青山歸去早好風吹送上高坡

晴日千山倒影晞家家索酒叩柴扉東隣姊妹來相約今夜無燈步月歸

鬼方好鬼鬼偏號雨夜師巫興更豪鑊鼓撾來羊豕薦簷頭亂插幾枝桃

錢以煥

字鼎文號青峯秀水人康熙丙戌進士官御史著青峯詩稿間遊小草

楓嶺

嶺樹獨傷半染丹憑臨陡覺客衣單月痕將落轉晦曙風翠欲飛迴急湍雞唱遠聞荒店出鷓鴣巢高踞老松蟠更誰剝蘚來題句碧玉峯攢大小竿

大竿小竿亦嶺名

沈朝英

字銓聲號約菴嘉興府諸生著晚香亭五集

野泊

木落村孤少爨煙冷依鷗鷺不成眠獨掀風帽蘆花裏正是
溪橋欲雪天

冬夜有感次韻

閉門莫問隴頭雪壁立徒慙賦子虛酒豈病人殘債有詩能
窮我故交踈五湖未得成浮泛一室空教事掃除報道寒梅
新破萼巡檐索笑愛吾廬

寶幢

荷鋤田叟逢人話擔水山僧送客嘗好待春明焙茶候松陰
來試一旗香

沈英

字旬偉號東谿嘉興諸生薦充
賜春園畫供奉著東溪遺稿

沈琬曰東谿在都聞計
以孝殉身事載郡志

雨折檐牙綠

卷十

錢以煥沈朝英沈英

題畫呈臧太守

嘉禾瑞應一時徵盡說賢明太守能存歲難忘勤賑貸嵌田
得息訟頻仍今三邑自明神宗後計訟至報聞政已三年最願
借公尤萬口稱半幅春波寫流愛好將佳話繼春陵

沈

時字建勲號可山嘉興人康熙壬午舉人官
安吉州學正著瑞芝堂正續集六法參微

羽士周靜涵索畫題贈

結茆植僅籬中拓數弓地手攜鴉觜鋤添種梅三四高吟暢
元修靜悟契畫意有鶴叫月來呼童松下飼

泊舟桂枝巷題畫贈師仁上人

小泊攜筇上翠微尋詩來款白雲扉簾前竹靄疑粘帙榻畔
花香欲沁衣半晌元譚山鳥下一聲清磬晚霞飛木犀參得
無生旨點筆應求此息機

沈樹齋

字嘉興監生

沈珏曰樹齋家有亭莊世貽籤帙曾道扶學使朱竹垞
太史皆嘗讀書其中樹齋兄及弟胚胎家學人竹林南
湖諸吟社結交老若與徐華隱魏禹平李南溟陸東村
輩振杖屨率敦槃樹齋詩度越時流盛宜山過沈彥馨
兄弟東陽書屋云琴薦書牀絕點塵苦吟聲裏瘦腰身
梅花一樹窗前發清似東陽姓沈人又暗樹齋句提壺
一路尋詩去可有新詩付錦囊惜稿皆散佚
後人從借和附見諸刻輯有春曉閣殘稿

小春廿有五日飲陳半村齋次陸東村韻

窮達不由人且無傷伏處行樂但及時所在皆寧宇鷗鷺可
爲盟漁樵堪作伍把臂入竹林宵懷各傾吐養拙非市高吾
其繩祖武個中若沾名適以滋簪鼓東郭老陳遵好客具尊
俎幽雅率天真疎狂復如許同心若佩蘭同調勝刻羽詞皆
摠性情約不負風雨竟日來盤桓劇談可勝塵旣得少長集
更結方外侶投契有詩書相見忘賓主好景占半村蕭然樂

環堵懶著鷄鵲冠神逸中規矩亂竹取編籬刪之焉用斧四
座納清風塵俗一無與焚香續爐火負暄聽鳥語主人出丹
青家珍手自數酒烈費十千月盈正三五話昔蜀岡遊日必
見亭午足常歷遠征脣不沾滴醕喜聆先生言鹽齏不忍去
須知竹林人天機類童豎以此混世網齷齪勢相拒譬之蕉
可書終難雜素楮靜候梅花開春光滿蓬戶

展重陽集恬致堂分和唐賢九日詩次孟襄陽韻

清溪來雁影老樹逼深秋常得故人聚不知今雨愁晚香仍
把菊小飲共登樓何減龍山會聯朋勝臥遊

花朝前四日集吉謙堂分擬唐人歌行倣陸魯望置酒
行

金鈴曉語紅衣舞春去芳郊疾於弩掃愁何處覓遺蹤一樽

好置辛夷塢東風媚媚香霏消雛鶯巧囀聲猶嬌安得賓賓
駐淑景爛醉花前朝復朝

五月廿二日移樽漱石軒各賦喜雨二絕句

麥熟能寬穀貴憂北窗攤飯懶梳頭不知雨慰三農望只說
虛堂早似秋

種罷菱秧綠幾灣癡雲不散遠遮山溪魚網得銀條樣爭向
前村換酒還

蔣鳴梧

字從雲建德拔貢生官汾陽知縣行取擢山西道御史

戴璐曰蔣鳴梧康熙二十二年以御史
長蘆巡鹽先宰汾陽山西通志入名宦

睦陵大水聞當事請調志感

誰激馮夷怒驚濤百丈懸危樓疑壓氣深巷觸蛟涎禾黍無
遺種災祲欲問天流民圖可繪端賴大夫賢

兩浙輶軒錄卷十